

# *HI SIKU LERO EXIHAMBANWENI*

 Ndza khensa, Makwerhu Neville. [Makwerhu Neville a ku, “A xi ku katekisi, makwerhu!”—Muhleri.] Xikwembu a xi ku katekisi, Makwerhu Neville. Ndza ku khensa, swinene.

<sup>2</sup> I mixo lowumene, vanghana. I nkateko ku tlhela hi vuya lahawani a tabernakeleni nakambe, mixo lowu, ku ta tirhela Hosi, hi ndlela yo chumayela Rito na ku khongeleta vavabyi. Na mina ndzi khensa swinene hi siku leri.

<sup>3</sup> Nakona ndzi hlamarile, loko ntsena ndza ha nghena. Makwerhu u tile a ta ku, “A ndzi swi lavi ku fana ni wa nhlokonho loyi a nga fanelangiki loyi a nga horisiwa.” I Makwerhu Wright. Ndzi n’wi khongelerile, nakona Hosi yi n’wi horisile hi ku hetiseka. Kutani u tile, a ri karhi a rila, ku ta tlhavula voko ra mina, kutani a vula leswaku—leswaku u ta lava ku khensa Hosi hikuva—hikuva a horisiwile. U lave ku ta vuya a ta khensa. Hinkwabyo byi fambile. U—u hole ku hola sweswi. Hi khensa ngopfu hi vumbhoni bya muxaka lowu.

<sup>4</sup> Kutani Charlie, wena na Makwerhu Jeffries, loko mi swi tsakela, tanani mi ta teka switulu leswi swi nga lahawani. Nakona mi amukeriwe kutlula na ku amukeriwa, swingaleswi a mi fanelanga ku yima. Na makwerhu un’wana lahaya, na Makwerhu Wood, ntsena tanani haleno. Mi...Hi lexi xindhawani, swindhawani nyana swo hlaya lahawani a benceni, leswaku mi nga kumeki mi yimile. Ndza pfumela, ku na tindhawu to hlaya nyana lahawani, nakona, ina, ma amukeleka swinene ku ta mi ta teka tindhawu leti.

<sup>5</sup> Hi tsakile ku...Ndzi pfumela leswaku swi vuriwile, nkarhi wun’wana leswaku, “Ndzi tsakile loko va te eka mina...” Xikwembu a xi ku katekisi, makwerhu. [Makwerhu a ku, “Minkarhi hinkwayo ndzi tsakela kuva ekusuhi na muchumayeri.”—Muhleri.] Ndza khensa. Ndzi khensile, ndza mi khensa. “Ndzi tsakile loko va te ka mina, a hi yени endlwini ya Hosi.” Walowo i nkateko wa Mukreste na ntsako, kuya endlwini ya Hosi.

<sup>6</sup> Loko ndzi languta hinkwako, ndzi vona vanghana votala va mina va nghenile, mixo lowu, ndzi nyanyuke ngopfu ha swona. Ndzi tsakile ku vona Buti na Sesi Dauch lahawani, vo huma a Ohio. Ndzi vona Buti na Sesi Armstrong endzhaku lahaya, kusuka a Ohio. Xikwembu a xi mi katekisi hinkwerhu, na n’wina. Kutani, oho, ntsena loko ndzi languta hinkwako, u vona votala, swa tika ku kuma mavito ya vona hinkwavo. Sesi Hoover, hi tsakile ku mi vona mi ri kona, mixo lowu, kusuka

ehansi eKentucky. Na Charlie na Nellie, Makwerhu Jeffries na ndyangu wa yena, nakona ntsena va tele lava va nga kona, lava va humaka ehandle ka doroba.

<sup>7</sup> Swingaleswi hi langutele nkarhi lowukulu eHosini, mixo lowu, hi langutele Xikwembu leswaku xi hlangana na hina hi ndlela ya kuva xi katekisa mimoya ya hina niku vula rito eka hina hi swilo leswi hi nga na xilaveko na swona.

<sup>8</sup> Kutani tani hiloko ndzi languta ndhawu hinkwayo, loko hi leswaku ndzi ya vitana vanghana va mina hinkwavo lava va nga lahwani, ndzi ta teka mixo hinkwawo, ndzi ri karhi ndzi vula vo hambana. Swi endla ndzi titwa kahle loko ndzi tlhelela ekerekeni, ku vona vanhu hinkwavo va nghenile, leswaku va hlangana.

<sup>9</sup> Swi tava njhani loko hi kumeka eTilweni, kutani hi hlangana Kwalahaya eka nkarhi walowo lowu wu nga riki na makumu, xinakulobye lexi xi nga Heriki hi ri kun'we, ku rhendzela Xiluvelo xa Xikwembu, na yona mikateko leyi hinkwayo a hi khomelerile eka yona? Hina, Kwalahaya, hi ta endliya kukotisa Yena, na hi xivumbeko xa Xona, na Moya wa Xona lowu wu nga eka hina, ku ta xi gandzela niku Xi tirhela hilaha ku nga Heriki, a ku na ku kula hi karhala kona.

<sup>10</sup> Ntsena ehleketa, kuhava lexi u nga ehleketa hi xona, lexi u xi tsakelaka ku xi endla, kambe lexi xi nga xin'we hi xinkadyana loko wa ha karhala hi ku xi endla. Charlie, ndzi bvumbha leswaku wena na mina hi hlote maxinjani kutlula hinkwaswo leswi hi swi tsakelaka ku swi endla, hi ndlela ya sweswo, kambe, ma swi tiva, wa karhala hi ku endla sweswo.

<sup>11</sup> Kutani a ndzi—ndzi tsakela ku—ku tiolola, ndzi kumeka etintshaveni nakona ntsena ku tiolola. Kambe a ndzi karhala, nkarhi wun'wana, u lava ku endla swin'wana.

<sup>12</sup> Nakona ndzi rhandza ku chayela. Minkarhi yin'wana ndzi twa ndzi ri na maendlelo yo karhala na ku karhala ngopfu, na minsiba emakun'wini. Ntsena ndzi ta tlulela emovheni wa mina kutani ndzi huma, ni khomelela eka xidirayivha, ndzi ya epatwini, ndzi ri karhi ndzi yimbelela leswaku, "Ndzi tsake ngopfu hi ku vula leswaku ndzi un'wana wa vona," kumbe swin'wana. Ntsena ndzi ombile vhilwa lero, ni ri karhi ni yimbelela, niku cinisa nenge wa mina, na ku huwelela. Kutani, kunene, endzhaku nyana, ndzi karhala, kutani ndzi tlhelela ekaya ndzi ya sungula swin'wana.

<sup>13</sup> Kambe loko hi kumeka hi gandzela Xikwembu eka Mfumo walowo lowuntshwa, a ku nge hevi na xinkadyana xo karhala, ntsena—ntsena minkarhi hinkwayo ku tava kuri mikateko, ntsena kuya emahlweni nale mahlweni. Kambe, hikuva, hi ta ncinciwa kwalaho. A hi nge kotisi leswi hi nga xiswona

sweswi. Hi tava lava hi hambaneke, swivumbiwa leswi hambaneke kutlula leswi hi nga xiswona eka lowu nkarhi. Swingaleswi, hi tsakile.

<sup>14</sup> Ntsena a ndzi ri eku ehleketeni. A ndzi tivi loko ndzi swi endlile, ndzi swi tshahile leswi kumbe ndzi nga swi tshahanga. Makwerhu Charlie, eka nkarhi lowu wu nga hundza, a ndzi ri eKentucky na yena, nakona u teri, “Makwerhu Branham, u ehleketa leswaku, eka Miliniyamu, wena na mina hi ta xi hlota maxinjani xana?”

Ndzi ku, “A ndzi ehleketi tano, Charlie.”

<sup>15</sup> A ku, “Kunene, hi swi rhandza ngopfu,” a ku, “u—u ehleketa leswaku hi ta swi endla loko hi nghena eka Miliniyamu xana?”

Ndzi ku, “Ee, ku hava lexi xi nga ta dlayiwa eka Miliniyamu.”

Kutani a ku, “Kunene, ntsena ha swi rhandza.”

<sup>16</sup> Ndzi ku, “Charlie, ku nga humelela yini loko ndzi nga ku ncinka miehleketo ndzi ku nkarhi wun’wana a wuri honci, nakona u kurisiwile ku ya eka xivumbiwa lexikulu, ku ya va xivumbiwa xa ximunhu? U nga ya xana, u nga tlhelela endzhaku u ya tiphina hi ku tiphina ka honci xana?”

A ku, “Ee.”

<sup>17</sup> Ndzi ku, “Wa vona, u tava ehenhla ngopfu kutlula honci, sweswi, i munhu, a wa ha swilavi kuva honci nakambe.” Ndzi ku, “Andzisa sweswo hi khume ra magidi, kutani sweswo hi leswi u nga tava xiswona loko u tava u ncinciwile kusuka lahawani kuya laha u nga tava u ri kona. A wu nge he swilavi kuva munhu nakambe.”

<sup>18</sup> Hi swona. Ku tava kuri swin’wana swo hambana. Ndzi tsake ngopfu hi miehleketo ya swona, hi ku tiva leswaku rin’wana ra masiku hi ta gonyela ehenhla.

<sup>19</sup> Kunene, sweswi, loko Hosi yi swi rhandza, Sonto lowu wu taka, laha wu nga tava wu ri... Kutani ndzi ta famba, kuya ehandle eWyoming, na munghana wa kahle; kumbe ehandle eIdaho, na munghana wa mina wa kahle, Makwerhu Miner Arganbright, Makwerhu Clayt Sonmore, na ma Christian Business Men.

<sup>20</sup> Vhiki leri ri taka, endzhaku ka vhiki leri ri taka, ku tava kuri; ti 7, ndzi fanele kuva e—e Dallas, Texas, eka Voice of Healing Convention. Nakona vusiku bya mina byo vulavula kutava kuri vusiku bya ti 7. Kutani ndzi tlhela ndzi vuya, ku ya eIdaho na Makwerhu Arganbright na ma Christian Business Men. Kutani nkarhi wun’wana hi va na vusiku byin’we eMinneapolis, hi nga se famba. Kutani na yin’we eka ku fihlula ka ma Christian Business Men.

<sup>21</sup> Loko Hosi yi swi rhandza, hi Sonto lowu wu landzelaka ndzi lava ku tlhela ndzi vuya lahawani tabernakeleni nakambe, nakona loko sweswo swi pfumeleleka nakona kuri ku rhandza ka Hosi. Nakona ndzi lava ku vulavula hi nhloko-mhaka leyi nge *Xihuhuri Lexi Xi Nga Eka Mheho*, loko Hosi swi rhandza. Yi tikomba yi ri embilwini ya mina, vhiki hinkwaro.

<sup>22</sup> Nakona mixo wun'wana, ka hari mixo swinene, kwalomu ka awara ya mune na mixo, ndzi pfukile kutani ndzi va na miehleketo leyi ya ku, "Hi siku lero Exihambanweni." Nakona ndzi lava ku vulavula hi yona, mixo lowu: *Hi Siku Lero Exihambanweni*.

<sup>23</sup> Kutani eka ku hlaya loku, a hi pfuleni sweswi eka Tibibele ta hina, eka Matsalwa, eka Evhangeli ya Mukwetsimi Matewu, eka kuavanyisa ka vu27. Kutani hi ta sungula hi vhese ya vu27 kutani hi hlaya xiphemu xa Matsalwa lawa, leswaku hi kuma masungulo ya wona, kutani hi tava hi sungurile. Kutani endzhaku ka xikhongelo xo chumayela, kutani hi tava na xikhongelo xa vavabyi.

<sup>24</sup> Kutani, oho, kusukela nkarhi lowu wu nga hundza lahawani, ntsena ku vuyisela endzhaku, ni ku fambelana na ministri wa mina lowuntshwa. Ndzi na vumbhoni lebyi byi taka byi huma eka nhlengeletano ya leyo kutlula leyi ndzi ngava eka yona nkarhi wo leha.

<sup>25</sup> Kuna swin'wana ha wona, leswaku u boheka ku ti hlanganisa na munhu, swi ngari na mhaka ni leswaku i swingani swi nga kombisiwa swa le handle ka ntumbuluko. Kambe, wa vona, ku hanyisiwa ku etlele ehenhleni ka ripfumelo ra munhu un'we. Sweswi, loko munhu un'we ari na ripfumelo...

<sup>26</sup> Nakona va vona, kukotisa, loko Moya lowo Kwetsima wu ya eka vayingiseri wu ya ku, "Mi *nchumu-nchumu* yin'wana yi humelerile. Nakona, leswaku, vito ra wena i *swingere-ngere*. Nakona u huma endhawini yo *karhi*. Na *nchumu* lowu u nga wu endla. Nakona wu tava hi ndlela *leyi*." Nakona u swivona hinkwaswo swi humelela hi ndlela yaleyo!

<sup>27</sup> Hambi swi ri tano, un'we, loyi a nga tshama lahaya, a nga ha languta ehenhla a ku, "Xexo xi fanele xi ri Xikwembu. Ndzi amukela ku horisiwa ka mina."

<sup>28</sup> Kambe, ematshan'wini ya sweswo, loyi a nga un'we u ri, "Ndzi tlhandleki mavoko u ndzi khongeleta, leswaku ndzi horisiwa." Kambe ya leyo hi yona ndlela leyi hi nga dyondzisiwa xiswona lahawani a Amerika, nakona, swingaleswi, ku pfumela sweswo. Nakona sweswo hakunene i Matsalwa.

<sup>29</sup> Kambe sweswi hi kuma leswaku, a Afrika na tindhawu to hambanana, ntsena va pfumelela swo kotisa sweswo swi humelela, vayingiseri hinkwavo va ta xikan'we hi nkarhi wun'we, va amukela ku horisiwa ka vona, hikuva a va dyondzisiwanga nchumu. Wa vona? A va dyondzisiwanga hambi

kuri ku dyondzisiwa ku horisiwa. Kutani loko va swi vona sweswo, va switiva leswaku ku na Xikwembu lexi xi hanyaka. “Nakona loko Xona xi hanya, Xi—Xi le henhla, nakona Xa—Xa hanyisa.” Nakona hi swona sweswo, hikuva tshaku khale ri vekiwile, masungulo, ya leswaku hi Xona muhorisi, nakona xi horisa vanhu. Kutani loko va vona Vukona bya Xona byi tirha hi Kereke ya Xona, kutani va ri, “Sweswo swa swi tshamisisa. Sweswo hi swona hinkwaswo hi swi lavaka.”

<sup>30</sup> Kambe hi dyondzisiwile, “ku tlhandleka mavoko eka vavabyi,” na swilo leswi swi kotisaka sweswo. Xexo hi xona xivangelo xa kuva swi nga tirhi kahle a Amerika.

<sup>31</sup> Sweswi, tsundzukani, mixo wa Sonto lowu wu taka, hi ku rhandza ka Hosi, Makwerhu Neville u ta switivisa, hakunene. Nakona yi *Xihuhuri Lexi Xi Nga Eka Mheho*.

<sup>32</sup> Sweswi, a ndzi ri eku mi nyikeni xinkadyana nyana ku pfula Matsalwa ya n’wina, eka Matewu 27. A hi sunguleni ku hlaya eka—eka vhese ya vu27, ya Evhangeli ya Mukwetsimi Matewu. Sweswi a hi yingiseleni hi vurhon’wana eka ku hlaya.

*Kutani masocha ya hosi ya yisa Yesu endlwini ya vuhos, ma n’wi hlengeleta ntlawu hinkwawo wa wona.*

*Kutani va n’wi susa tinguvu, va n’wi ambexa nguvu ya xivunguvungu.*

*Kutani va luka harhi ya mitwa va n’wi tlhandleka enhlokweni, va n’wi khomisa rihlanga... evokweni ra xinene; kutani va nkhwinsama hi matsolo emahlweni ka yena, va n’wi tseketsela, va ku: Xewani, Hosi ya Vayuda!*

*Va n’wi tshwutela hi marhi, va teka rihlanga, va n’wi ba nhloko ha rona.*

*...kute loko va n’wi tseketsereile, va n’wi funungula nguvu, va n’wi ambexa tinguvu ta yena, va n’wi yisa eku ya n’wi vamba.*

*Kute loko va humile, va kuma wanuna wa Kirena, la vuriwaka Simon, va n’wi byisa leswaku a rhwala xihambano xa Yesu.*

*Kute loko va fikile xivandleni lexi vuriwaka Golgota, hi leswaku xitsunga xa ripala,*

*Va n’wi nyika ntsuvi lowu hlanganisiweke ni nyongwa leswaku a nwa;... kambe loko a nantswile, a ala ku nwa.*

*Kute loko va n’wi vambique, va pambulelana tinguvu ta yena, va ti hlahuva hi vuholotwana, leswaku ku endlakala leswi nga vuriwa hi muprofeta la nge te: Va avelane minkhanchu ya mina, ni nguvu ya mina, va yi hlahuva hi vuholotwana.*

*...kutani va tshamisa, va n'wi langutela kwalaho.*

*Va nameka henhla...ka nhloko ya yena epapila ra nandzu wa yena leri nge: LOYI I YESU, HOSI YA VAYUDA.*

*Swidyozi swimbirhi swi vambiwe na yena, xin'wana evokweni ra xinene, xin'wana eka lera ximatsi.*

*Lava—lava hundzaka va n'wi tseketsela, va n'wi nkinika tinhloko, va ku:*

*Wena la hlanhlaka tempele, u ku ta yi pfuxa hi masiku manharhu, tihanyise ke! Loko u ri N'wana wa Xikwembu xika la exihambanweni!*

*Hi mukhuva wolowo, na vona vaprista lavakulu, va n'wi tseketsela, va ri na vatsari ni vakulumba, va ku:*

*U hanyisile van'wana, kutani u hluleka ku tihanyisa! Loko ari yena Hosi ya Israel, a a xike sweswi xihambanweni, hi ta pfumela ka yena.*

*U tshembhile Xikwembu a xi n'wi lweli sweswi, loko xi n'wi tsakela, hikuva u te: Ndzi N'wana wa Xikwembu.*

*Ni swidyozi leswi vambiweke na yena, xi n'wi tseketsela sweswo na xona.*

*Hi nkarhi wa ntlhanu na un'we, munyama wu va kona emisaveni hinkwayo kufikela nkarhi wa ntlhanu na mune.*

*Kute loko ku lavile ku va nkarhi wa ntlhanu na mune, Yesu a huwelela hi rito lerikulu, a ku: Eli, Eli, lama sabaktani; hi leswaku: Xikwembu xa nga, Xikwembu xa nga u ndzi tshikele yini?*

*Van'wana lava ngi va ri kwalaho, loko va n'wi twa, va ku: U vitana Eliya.*

*Kutani un'wana wa vona...a tsutsuma, a ya teka xikuvi a xi tata hi ntsuvi a xi tlhoma exihlangeni, a n'wi nyika a n'wa.*

*Kambe van'wana va ku: Chika, hi ta vona loko kumbe Eliya a ta ta n'wi ponisa.*

*Kambe Yesu a tlhela a huwelela hi rito lerikulu, a nyiketa moyo.*

*Kutani vonani, nguvu ya tempele yi handzuka hi le xikarhi, ku sungula henhla, ku ya fika ehansi; misava yi tsekatseka, maribye ma pandzeka, ni masirha ma pfuleka;*

*...Kutani mintsumbu ya lavotala ya vakwetsimi lava etteleke va pfuka;*

*Kute loko va hume masirheni, endzhaku ka ku pfuka ka yena, va nghena emutini lowu hlawuriweke, va voniwa hi lavo tala.*

*Kutani ndhuna ya dzana ni lava ngi va ri na yona, lava languteleke Yesu, loko va vona ku tsekatseka ka misava ni leswi swi humeleleke, va tshuka ngopfu, va ku: Loyi a ri N'wana wa Xikwembu kunene.*

<sup>33</sup> A hi korhamiseni tinhloko ta hina xinkadyana hi khongela.

<sup>34</sup> Hosi, ha switiva leswaku Wena i Xikwembu. Nakona swi...Endzhaku ka ku hlaya Rito leri ro hlawuleka ro kwetsima, hi nga ha swivona leswaku ntumbuluko wa Wena a wu ncincanga. Wa ha ri Xikwembu. Nakona swi tikomba tani hiloko Yesu a nga hari na ku pfuniwa, hilaha A nga tekiwa hi mavoko lawa ya dyoheke kutani a phaphiwa a va swiphemu, kutani a tshwuteriya hi marha, niku hlekuriwa, ni ku hayekiwa exihambanweni, ari karhi a huma ngati, ari ekufeni. Kutani a swi tikomba tani hilaha ku nga ha riki na ku pfuniwa, hinkwako, kufikela laha A rilaka, yena hi Yexe, "Xikwembu xa Nga, Xikwembu xa Nga, U Ndzi tshikele yini?"

<sup>35</sup> Kambe, U tirha hi xinkadyana lexi ku pfumalekaka nchumu lowu wu nga tirhaka. Hi nyikiwe ku tiva, Hosi, leswaku loko hi ri na milambu leyi hi nga taka hi nga yi peli, loko hi ri na tintshava leti hi nga taka hi nga hundzi, Xikwembu xi na vuswikoti hi ku tirha leswi van'wana va tsandzekaka.

<sup>36</sup> U na vuswikoti, eka ntirho, hikuva U tiva xivangelo xa siku lero eXihambanweni. Wena, kuva u ri Xikwembu, Yena loyi a ngariki na ku hela, u switivile leswaku awara leyi yi boheka ku humelela. Kambe loko yi hetisekile, kutani U kombisile leswaku U Xikwembu. U kombisile leswaku i Mani boso. U ninginisile misava, na vakwetsimi lava a va ettele endzeni ka misava va huma. U ntimisile dyambu ni vusiku, tani hi munyama wa na vusiku, u kombisa leswaku U Xikwembu. Kambe U tikombe u miyerile nkarhi wo leha.

<sup>37</sup> Hi pfumeleli, kusukela eka leswi, pfapfarhuta mahetelelo lawa, leswaku, ntsena loko ha ha famba hi Moya, hi fambisiwa hi voko ra Xikwembu, swi ngari na mhaka ni leswi swi tikombaka swi hoxekile, hambi swi ri tano hi kongomane na Xihambano; Xikwembu xi ta vulavula eka awara leyi yi nga yona, hi nkarhi lowu wu nga wona.

<sup>38</sup> Sweswi, Tatana Xikwembu, hi ta kombela ku rivaleriwa ka swidyo ho swa hina na ku homboloka ka hina. Hi ta kombela Moya wa Wena leswaku wu hi rhangela. Hi rhangele, tani hiloko Tuva ri rhangela Xinyimpfana. Hi pfumeleli hi yingisela hambi ku nga wa yini eka hina, hi ku tiva leswi, leswaku Xikwembu xi tirha hinkwaswo kahle, ni ku tiva leswaku swi tava kahle.

<sup>39</sup> Vana na hina namuntlha eka xikhongelo lexi. Ha khongela leswaku U ta ponisa lava nga eka xiyimo xa ku poniseka, nakona vari karhi va lava ku ponisiwa. Tata lava va nga na Vutomi lebyi nga Heriki, lava va byi lavaka. Ha khongela leswaku U ta horisa lava va vabyaka niku xaniseka, lava va nga ta, va ri karhi va lava ku hanyisiwa. Nakona hi ta Ku dzunisa ha swona. Ha swi kombela hi Vito ra N'wana wa Wena, Muponisi wa hina, Yesu Kreste. Amen.

<sup>40</sup> Sweswi, eka ku vulavula mixo lowu, ndzi tsakela ku mi koka rinoko eka tsalwa leri ndzi nga ri hlawula ku vulavula hi rona: *Hi Siku Lero Exihambanweni*.

<sup>41</sup> Ri tikomba tani hiloko ri hume nyana eka nguva ya hina; leri ari fanele ri ri ra Good Friday. Xihambano xi fanele ku tsundzukiwa masiku hinkwawo. Nakona hi twe swotala hi rona, hi hlaye swotala hi rona. Swichumayeri swi chumayerile hi rona, kusukela ekusunguleni ka nkarhi. Swiyimbeleri swi yimbelerile hi rona, eka tinguva. Vaprofeta va rhange hi ku ri vula, mune wa magidi wa malembe ri nga se humelela. Nakona vaprofeta va namuntlha va kombetela endzhaku eka rona laha ri nga humelela. I siku ra nkoka swinene! Hi rin'wana ra masiku ya nkoka swinene eka hinkwawo eka lawa Xikwembu xi nga ti pfumelela ku rhelela ehansi emisaveni.

<sup>42</sup> Nakona loko ri ri ra nkoka eka rimbewu ra ximunhu, Xihambano, ndzi ehleketa leswaku swikahle ku tlhelela endzhaku ku ya ri kambela, niku vona ntsena leswaku ri vula yini eka hina. Hikuva, ndzi na ntiiyiso, eka awara leyi yi nga famba leyi hi hanyaka eka yona, hi lava nkoka wa Xikwembu hinkwawo lowu hi nga wu tivaka. Ni hinkwaswo leswi hi nga swi kumaka, hi lahawani ku ta dyondza hi swona, hi vona leswaku hi swihi leswi swi nga swa hina, ni leswi Xikwembu xi nga hi endlela swona, niku vona leswi Xi nga hi tshembhisa ku hi endlela swona. Kutani sweswo hi leswi hi telaka swona ekerekeni. Hi yona mhaka muchumayeri a chumayelaka, sweswo hi swona swi endlaka leswaku a hlaya niku kunguhata eMatsalweni, niku lava nhlonhlotelo, swi hikokwalaho ka kuva ari nandza wa le vanhwini eka vanhu va Xikwembu. Nakona u le ku ringeten i ka ku kuma swin'wana leswi swi nga ta... leswi Xikwembu xi nga swivulaka evanhwini va Xona, swin'wana leswi swi ngava pfunaka. Kumbexani, swi ngava tano, va soriwa eka vudyoho bya vona, kambe ku tava kuri ku pfuna eka kuva kurisa, leswaku va nga ha tshika vudyoho bya vona nakona va pfuka va pfukela ku tirhela Hosi. Nakona vaministara va ta lava swilo leswi.

<sup>43</sup> Kutani namuntlha, kuva ri ri ra nkoka, rin'wana ra masiku lamakulu, a hi languteni eka swilo swinharhu swo hambana leswi siku lero ri nga hlangana na hina. Hi nga ha teka madzana. Kambe, mixo lowu, ntsena ndzi hlawurile swinharhu swo hambana, leswi ntsongo ngopfu leswi hi nga ta swi

languta, eka xinkadyana lexi xi landzelaka, laha Xihambano xi vulaka swona eka hina. Nakona ndza khongela leswaku swi ta avanyisela mudyohi un'wana na un'wana loyi a nga kona; swi ta endla leswaku mukwetsimi un'wana na un'wana a ya ematsolweni ya yena; sweswo swi ta endla leswaku muvabyi un'wana na un'wana a pfuxa ripfumelo ra yena ari pfuxela eka Xikwembu, niku fambela ekule, a hanyisiwa; mudyohi un'wana na un'wana, a ponisiwa; un'wana na un'wana loyi a nga wa a vuya, ni kuva na tingana hi yexe; na mukwetsimi un'wana na un'wana, a tsaka, kutani a teka ku khomelela lokuntshwa na ku tshembha lokuntshwa.

<sup>44</sup> Xin'we lexikulu, xa nkoka lexi Xihambano xi vulaka swona eka hina na misava, i ku, xi tshamisisa xivutiso xa vudyoho, xin'we eka hinkwaswo. Munhu u kumeka a dyohile hi vudyoho. Nakona vudyoho i xigwevo laha ku pfumalekaka munhu loyi a nga ta xihakela. Xigwevo a xi ri lexikulu ku fikela laha ku pfumalekaka loyi a nga ta hakela xigwevo. Ndzi pfumela hi ntiyiso leswaku Xikwembu xi swi hlawule hi ndlela ya leyo, leswaku xigwevo xi tava lexikulu laha ku nga ta pfumaleka munhu wo xihakela, swingaleswi Xi nga ha swi endla, hi Xoxe. Sweswi, xigwevo xa vudyoho i rifu. Nakona hinkwerhu hi tswaleriwe ayudyohwени, hi vumbiwa a vubihini, hi ta amisaveni, hi ri karhi hi vulavula vunwa. Swingaleswi a kuri hava na un'we wa hina loyi a fanerile, kumbe, va ngaka va nga kumi munhu emisaveni loyi a nga na nfanelo.

<sup>45</sup> Nakona vudyoho a byi sungulanga emisaveni. Vudyoho byi sungule eTilweni. Lusifa ari...Lusifa, a nga javulosi, ari xivumbiwa lexi xi nga rhukanika, hikuva xi nga yingisi ka xona, loko a nge se ba misava. Vudyoho byi sungule eTilweni, laha Xikwembu xi nga veka Tintsumi kona, na swin'wana, ehenhleni ka masungulo man'we lawa Xi nga vekela xivumbiwa xa ximunhu kona; vutivi, nsinya wa vutivi, nsinya wa Vutomi na nsinya wa vutivi, laha munhu a nga tihlawulelaka hi yexe. Nakona loko Lusifa a tava a nyikiwile kuva lonkulu, leswaku a tihlawulela hi yexe, u lavile swin'wana swo antswa krtlula leswi Xikwembu a xi ri na swona. Kwalaho hilaha swi nga onhaka kona.

<sup>46</sup> Nakona a kuri na xilaveko xa vudyoho. Xilaveko xa kona i rifu. Rifu hi rona xigwevo. Kutani, sweswo i ku, hi nga ha nghena hi vuenti eka leswi, hikuva a ndzi pfumeli leswaku ku na swin'wana handle ka rifu rin'we. Ku na Vutomi byin'we. Ndzi pfumela leswaku munhu loyi a nga na Vutomi lebyi nga Heriki a ngaka a nga fi. Nakona ndzi pfumela leswaku kuna ku hetiseka ka kuhefemula ka moyo walowo wu dyohaka, hikuva Bibebe yi teri, "Moya lowu wu dyohaka, wu ta fa hakunene." Ku ngari munhu; "moya lowu wu dyohaka." Swingaleswi, Sathana u boheka ku fa hakunene, leswaku a hetiseriwela makumu. Hilaha ndzi nga yimiki na ma "universalists" lava

va vulaka leswaku Sathana u ta ponisiwa! U dyohile, nakona hi yena musunguri wa vudyoho. Nakona moya wa yena wu dyohile; nakona u moya. Moya walowo a wu nge he pfuki wu hefemuriwile, kutava ū nga salanga nchumu xa wona.

<sup>47</sup> Kutani loko vudyoho byi ta ba misava, endzhaku emasunguleni, tani hi lakani ra munyama ri waka kusuka ematilweni, hi ku hlayela ri limazile misava. Ri hoxile xivumbiwa xin'wana na xin'wana, emisaveni, na hinkwaswo swa ntumbuluko wa Xikwembu, evuhlongeni. Munhu u le hansi ka vuholonga bya rifu, vuvabyi, makhombo, maxangu. Ntumbulukuo hinkwawo wu wa na swona. Vudyoho i nchumu lowu wu limataka misava. Kutani hi vekiwile lahawani, hi ngari na ku tshembha, hikuva xivumbiwa xin'wana na xin'wana emisaveni xa byi yingisela. Nakona un'wana na un'wana loyi a nga tswariwa emisaveni wa byi yingisa.

<sup>48</sup> Swingaleswi, a byi fanele ku ta hi Ndhawu yin'wana leyi yi ngariki na vudyoho. A yi nga ta ta hi misava. Un'wana wa hina a nga ta swikota ku ponisa un'wana. A swi fanele ku ta hi Un'wana.

<sup>49</sup> Swingaleswi, loko munhu a ta swi lemuka leswaku u aviwile kusuka eka Xikwembu, u vile mutsendzeleki. Va khavaxerile. Va rila. Va tikarhatile. Va pepetsekile ha byona, a tintshaveni nale mananga, va ri karhi va lava Doroba leri muaki na muendli ku nga Xikwembu. Hikuva, a switiva leswaku loko a nga ta tlhelela endzhaku eVukoneni bya Xikwembu, a nga ha vulavula hi swona na Xona. Kambe a kuri hava ndlela yo tlhelela endzhaku. U vile mulahleki. A nga switivanga leswaku i ndlela yihi a nga jikaka hi yona, swingaleswi ntsena u lo huma, a pepetseka, a ringeta ku kuma kun'wana laha a nga kumaka ndlela yo tlhelela eka Nchumu walowo. Swin'wana endzeni ka yena swi n'wi byerile leswaku u huma e—e Ndhawini leyi yi nga hetiseka. Ku hava munhu lahawani eka vayingiseri lava va vonakaka, mixo lowu, kumbe eka vayingiseri lava va nga eka thepi ya maginetiki, laha yi nga ta rhendzeleka na misava hinkwayo, ku hava na un'we lahawani, kumbe kun'wana, handle ka loyi a lavaka ku hetiseka kwaloko.

<sup>50</sup> Mi kumeka mi hakerile tibili ta n'wina, miehleketa leswaku, "Sweswo swi va swi tshamisekile." Loko tibili ta n'wina ti hakeriwile, kutani kuna un'wana a vabyaka endyangwini wa wena. Loko muvabyi a kumeka a hola, kutani mi na tibili to tala to tihakela. Xo sungula i xitivaka, misisi ya n'wina yi huma timpfi, nakona mi lava ku tlhelela evuhlangini. Nakona kuna swin'wana nkarhi hinkwawo, hi ku tshamiseka, nakona hi kwalaho ka gandlati lero ra vudyoho. Kambe embilwini ya wena, hikuva u lava sweswo, swi kombisa leswaku ku na Kuhetiseka kun'wana. Kun'wana, kuna swin'wana.

<sup>51</sup> Hi xona xivangelo, minkarhi yo tala, namuntlha, leswaku mudyohi wa ha tsendzeleka ha swona. Wo saseka, nhwenyana lontsongo u ta kerha tiloks ta yena ta misisi, leswaku a ta duma; a ti penda xikandza xa yena, leswaku a languteka a sasekile; a ambela swiambalo swa yena ku ta kombisa xivumbeko xa ku vumbeka ka yena. Hikuva, i nchumu wuri woixe lowu a nga wu kumaka, ku lava kun'wana ku ringeta ku kuma swin'wana leswi nga ta vuyela eka yena, laha a nga ta endla vavanuna va n'wi bela makhwela, va n'wi yimisela na mavoko, va n'wi gangisa. Jaha ri ta endla swo fana eka wansati, ri ringeta ku endla swin'wana leswi swi nga ta n'wi koka mahlo. Vamakhelwani va ta aka yindlu, kutani va yi lunghisa hi ndlela yin'wana, hikuva yi ta languteka ku antswa nyana kutlula ndhawu ya makhelwani wa yena. Swi nkarhi hinkwawo, hi le ku laveni ka swin'wana, nakona swin'wana swi tshamela ro ya emahlweni ntsena ehenhla nyana ka swona. Xinhwenyetana xi ta kuma xinhwenyetana xin'wana lexi xi nga duma nyana kutlula xona. Makhelwani u ta kuma yindlu leyi yi langutekaka yi antswa kutlula ya yena. Wansati u ta kuma wansati kulobye a ambale hi ndlela yin'wana, loyi a langutekaka ku antswa kutlula leswi a nga xiswona.

<sup>52</sup> Hi swin'wana swi nga eka hina, leswi swi lavaka swin'wana, nakona swikombisa leswaku hi lahlekile. Hi lava ku kuma swin'wana leswi swi nga ta hi nyika ku enetiseka kwaloko, lexi xi nga ta kuma xindhawani xexo xa ndlala lahaya, kambe swi tikomba tani hiloko hi nga taka hi nga swikumi. Swivumbiwa swa ximunhu swi swi ringetile eka tinguva. Va swi rilerile. Va ririle. Va endlile hinkwaswo leswi va switivaka ku swi endla, kambe hambi swi ri tano a va swi kumanga, va tsendzeleka ha swona a misaveni.

<sup>53</sup> Ekuheteleleni, siku rin'wana, rero hi rona siku rero ra Xihambano, ku vile na Un'we loyi a nga xika a huma eVukwetsimeleni. Un'we, hi Vito ra Yesu Kreste, N'wana wa Xikwembu, Loyi a nga ta a huma eVukwetsimeleni, nakona Xihambano xi vumbiwile. Rero i siku leri nxavo wu nga hakeriwa, nakona xivutiso xa vudyoho xi tshamiseke hilaha ku nga heriki. Nakona ku pfurile ndlela eka nchumu lowu hi nga na ndlala na torha ra wona. Wu tisa ndhawu ya ku enetiseka. Ku hava munhu loyi a nga tshama a endzela Xihambano, niku xivona hi ndlela leyi a xi ri xiswona, leyi yi nga ta tshama yi ri yin'we. Hinkwaswo leswi a nga tshama a swi tsakela kumbe ku swi navela, u hlangane na swona, loko a fikela ndhawu ya leyo.

<sup>54</sup> A ri ri siku ra nkoka, na nchumu wa nkoka wo kotisa walowo, wu ningisile misava. Wu ninginisile misava, tani hiloko yi nga se tshama yi ninginika. Loko Yesu a ta fa aXihambanweni niku hakela xivutiso xa vudyoho, misava leyi ya vudyoho a yi ntimile. Dyambu ri perile kuri nhlikanhi, ari

karhele ngopfu hi ku chunhwa. Kutani maribye ya ninginika, titshava ti handzuka, nakona mintsumbu leyi yi nga fa yi baleka yi huma emasirheni.

<sup>55</sup> Xana swi endle yini? Xikwembu xi nghena xi fika xi tshama, eXihambanweni. Xi vavisele xiharhi xexo, lexi xi vitaniwaka Sathana, xi vavisekela makumu. Sweswi u vile wo kariha kusukela kwalaho, hikuva xi tisile Kuvonakala eka rimbewu ra ximunhu. Nakona un'wana na un'wana wa switiva leswaku xiharhi lexi xi nga vaviseka xi na vukarhi swinene, xikasakasa na nhlana wa xona lowu wu nga tshoveka. Sweswi, Sathana u hluriwile, eXihambanweni. Misava ya swi khorwisa leswaku i ntiyiso.

<sup>56</sup> Nxavo lowukulu ngopfu lowu wu nga tshama wu hakeriwa, nakona Un'vee ntsena loyi a nga wu hakelaka, a ta a ta swi endla eXihambanweni. Kwalaho hilaha nxavo lowukulu wu nga hakeriwa. Walowo hi wun'wana nchumu. Xikwembu xi swi lavile. A kuri hava munhu loyi a fanerile. A kuri hava munhu loyi a swikota. A kuri hava munhu loyi a ta swikota. Kutani Xikwembu xi ta, xona hi Xoxe, nakona xi ti endlile munhu, xi tlhela xi hanya vutomi bya ximunhu, ehansi ka ku navela ka munhu, nakona u vambiwile eXihambanweni. Kutani kwalahaya, loko Sathana a ehleketa leswaku a Xi nge swikoti, a Xi ngeyi eka xona, Xi yile eGetsemani na ku ringiwa hinkwako loku munhu un'wana na un'wana a nga tshama a ku yimela. U nghene eka swona ntsena kukotisa vavanuna hinkwavo, kambe Xi hakerile nxavo.

<sup>57</sup> Kutani sweswo hi swona swi nga ntimisa misava. A swi kotisa “anesthetic,” eka vuhandzuri. Loko dokodela a nyika munhu “anesthetic,” u sungula hi ku n'wi etlerisa, a nge se swi endla. Nakona loko Xikwembu xi—xi nyika vuhandzuri eka Kereke, misava yi va na “anesthetic”, ntumbuluko wu va na vusindze. A swi hlamarisi! Xikwembu, xi ri enyameni, a xi ri ekufeni. A yi ri awara leyi misava a yi yi languterile, hambi votala va vona a va nga switivi.

<sup>58</sup> Kukotisa hilaha swi nga ha kona namuntlha, votala a va swi languterile swilo leswi, kambe hambi swiri tano a va swi tivanga. A va yi xiysisanga ndlela yo huma. Hambi swi ri tano va ha lava ku tiphina na swilo swa misava, va ringeta ku kuma ndlela yo huma.

<sup>59</sup> A kuri na, timhandzi ta tisayini leti a ti kombetele eka siku lero, mindzhuti ya kahle leyi yi nga kombisiwa. Swi kombisiwile hi xinyimpfana, hi havi, hi xituvani, na hinkwaswo swilo leswi, kambe hambi swi ri tano a swi nga ri fayi. A swi nga ta ri faya goji lero ra rifu, laha Sathana a nga na misava.

<sup>60</sup> Maribye ya lawa a nga tshama a famba eka wona, ehenhla nale hansi emisaveni, ndzilo wa xivavula! Lusifa a ri

n'wana wa na mixo, nakona u fambile emisaveni loko ka hari na vholkheno leyi yi pfurhaka. Wona maribye lawa ya nga titimetiwia, loko Yesu a fa eXihambanweni, a geva a humesa misava.

<sup>61</sup> Nxavo lowu wu nga hakeriwa, na vuholonga bya Sathana lebyi byi nga fayiwa. Xikwembu xi tlheriserile emavokweni ya munhu, endzhaku leswi a swi languterile. A nga ha ta fanela ku rila nakambe. Ku ba, loko Xi ta tshova rhambu ra longo ra Sathana, lahaya eXihambanweni, rhambu ra longo ra vudyoho, ra vuvabyi! Nakona swi tisa xivumbiwa xin'wana na xin'wana lexi xi bolaka, emisaveni, xi tlhelela endzhaku eVukoneni bya Xikwembu, niku rivaleriwa swidyoho. Haleluya! Swidyoho swa hina swi rivaleriwile. A ka hari naku Sathana u ta hi susa eka Xikwembu.

<sup>62</sup> Ku na hayiweyi leyi yi nga endliya. Ku na riqhingho ri nga vekiwa lahaya. Ku na layini yo ya eVukwetsimeleni, yi tisa munhu un'wana na un'wana leswaku a fikelela layini ya leyo. Loko munhu a tele hi vudyoho, swi n'wi hlanganisa eka setrali. A nga ha rivaleriwa vudyoho byebyo. Ku ngari sweswo ntseña, kambe vudyoho byebyo byi hakeriwile. Oho! A mi fanelanga mi ku, "A ndzi fanelanga." Hakunene, a wu tano, a wu nge pfuki u vile tano. Kambe Loyi a ringaneleke u tekile ndhawu ya n'wina. Mi ntshuxekile. A ma ha fanelanga hi ku tsendzeleka nakambe. A wa ha fanelanga kuva munhu loyi a lavaka ku tiphina lahawani emisaveni.

Hikuva kuna xihollo lexi xi nga tala hi Ngati,  
 Leyi yi humesiweke eminsiheni ya  
 Emmanuel,  
 Laha vadyohi va nyupelaka endzeni ka  
 ndhambhi,  
 Yi susa xinaka xa vona hinkwaxo xa nandzu.

<sup>63</sup> A mi fanelanga ku lahleka. Ku na hayiweyi, na Ndlela, nakona yi vitaniwa Ndlela leyo kwetsima. Lava nga basangiki a va hundzi eka yona. Hikuva, u huma exihlobyen, ku sungula, kutani a nghena eka hayiweyi.

<sup>64</sup> Xi tshovile matimba ya Sathana. Xi pfurile mavanti ya tihele, eka un'wana na un'wana loyi a pfaleriwile, emisaveni leyi, emakhotsweni, ari karhi a chava leswaku loko a fa, ri tava rifu rihi eka yena. Exihambanweni, Xi pfurile mavanti lawa ya sele, ku pfumeleriwa nhlonga rin'wana na rin'wana leswaku ri famba ri tshuxekile. A ma ha fanelanga mi handzuriwa hi vudyoho. A ma ha fanelanga mi yimisa swirho swa n'wina hi vudyoho, hi ku nwa, ku zaha, ku gembula, ku vula vunwa. U nga ha tshembheka, ntseña, ni ku lulama. Nakona Sathana a ngaka a nga ha endli nchumu ha swona, hikuva mi khomelerile layini, layini ya Vutomi leyi yi nghenaka eRibyeni ra Tinguva. Ku hava lexi xi nga mi tsekatsekisaka eka Rona.

Ku hava timheho leti ti nga mi tsekatsekisaka eka Rona. Kuri hava nchumu, ku pfumaleka na rifu hi roxe, leri ri nga hi hambanisaka na rirhandzu ra Xikwembu leri ri nga eka Kreste Yesu. Sweswo hi leswi Xihambano xi swivulaka.

<sup>65</sup> Vanhu lava a vari evuhlongeni va ntshuxiwile. Vanhu lava va nga tshama va chava rifu va ngaka va nga ha ri chavi rifu. Munhu loyi a langutele Doroba, laha muaki na muendli, Xikwembu, a nga ha kandziya eka hayiweyi, kutani a nghenisa xikandza xa yena eTilweni, hikuva u tshuxiwile. Haleluya! U kutsuriwile. A nga ha kali a lava ku tsendzeleka nakambe, hikuva kuna ndlela yo tiva loko u lulamile kumbe u nga lulamanga. Xikwembu xi hi nyika Vutomi. Swidyoho swa hina swi fambile. Hi siku lero eXihambanweni ku hakeriwe nxavo. Loko hi swivona hinkwaswo sweswo, a swi hlamarisi loko muphati a tsarile a ku:

Maribye lawa ya fayekaka exikarhi ka vusiku  
na swibakabaka swa munyama  
Muponisi wa mina a korhamisa nhloko ya  
Yena kutani a fa.  
Nguvu leyi yi nga pfuleka yi paluxa Ndlela  
Yo ya eka ntsako wa Tilo na siku leri ri nga  
heriki.

<sup>66</sup> Abraham a nga ha fanelanga hi ku tsendzeleka nakambe, ku rhendzeleka hi tiko, a ri karhi a lava muti. Mudyohi a nga fanelanga hi ku hlamala nakambe, leswaku u ta ponisiwa kumbe a nga ponisiwi. Munhu loyi a vabyaka a nga fanelanga hi ku hlamala leswaku hambi u ta horisiwa kumbe a nga horisiwi. Ku pfuriwa ka nguvu, hi siku lero eXihambanweni, ku paluxile Ndlela yo ya eka kuhlula loku ku hetisekeke. Xikwembu xi hi nyika matimba ya Moya wa Xona, ku hanya hi ku tsaka ngopfu ehenhleni ka swilo leswi hinkwaswo; wu hi kombela leswaku hi swi pfumela ntsena. Sweswo swi humelerile hi siku lero eXihambanweni. A ku se tshama kuva na siku ro kotisa rona. Nakona a ku nge pfuki ku vile na ro kotisa rona. A ra ha fanelanga nakambe. Nxavo wu hakeriwire, nakona hi kutsuriwile. A ku khensiwi Xikwembu! Hi kutsuriwile. A ka hari na leswi mi fanelaka ku swi hlamala. A ka hari na ku swi vhumbha. Hinkwaswo swi fambile. Nguvu yi vuyerisile khetheni endzhaku, nakona hi tshamisiwile eka hayiweyi, leswaku hi nga ha hlamali nakambe, kambe ku pfumela ni kuva hi ya emahlweni hi lulamile. Hi famba hi ngena eVukoneni bya Xikwembu lebyi byi nga kona.

<sup>67</sup> Abraham u switivile, na van'wana va switivile, loko va ha langutele Doroba. A va switiva leswaku va huma Kun'wana. Swin'wana swi humelerile. A va hanya eka misava leyi yi nga lamala. Ku ningnika ka misava ku fika. Mabubutsa ya fika. Tinyimpi na ku dlaya! Hlolwa na xinyimpfana swi dyanana, kumbe hlolwa ri dya xinyimpfana, na nghala yi dya havi. A swi languteki kahle. Ku na swin'wana swo hoxeka. A switiva

leswaku ku na swin'wana swi nga hoxeka. Vanhu na makwerhu a dlaya makwerhu; papa a dlaya n'wana, n'wana a dlaya papa. Ku na swin'wana swi nga hoxeka. Wa khalabya. U le ku feni. Wa vuna. Vuvabyi byi le henhla ka yena. U le vuhtablegeni. Minsinya ya kula, kambe leyi yi nga hundziki. Ya fa. Tintshava ta ncinka. Lwandle ra oma. Mamati ya tsandzeka. Ku na swin'wana swi nga hoxeka. Nakona u hleketile hi ndhawu, Doroba leri sweswo swi nga ha humeleriki. A swi tiva, loko a nga tlhelela endzhaku eVukoneni bya Loyi a swi endleke swi va kahle, a nga ha swivula eka Yena.

<sup>68</sup> Oho, i nkateko wa njhani, mudyohi, swi tano, mixo lowu, ku tiva leswaku mi kumile Ndlela sweswi. Hi siku lero eXihambanweni ku pfurile ndlela. Eka hinkwaswo leswi vapatriaka va nga swi hlota ni ku ehleketa hi swona, Xihambano xi mi nyike swona, mahala. U nga swi tekela njhani ehansi? U nga swi tekela njhani ehansi, u joyina dinominexini? U nga swi tekela njhani ehansi, u swi ncinka hi swin'wana, ku tiphina ka misava? Hikokwalaho ka yini u nga swi amukeli xana? Ku pfula ka nguvu ku tisa munhu ku n'wi tlherisela endzhaku eVukoneni bya Xikwembu, a ngari na vudyoho eka yena, bya muxaka un'wana. Kutani xi n'wi vekela patu emahlwesi ka yena, eka nchumu lowu a nga eku wu laveni: Tilo, ku kwetsima, ku rhula, Vutomi lebyi nga Heriki, hinkwaswo swa kahle emahlwesi ka yena.

<sup>69</sup> Siku lero rifu ri—ri pfurheterile matimba ya Sathana. Ri hete hinkwaswo.

<sup>70</sup> Nakona ndzi nga ha N'wi vona lahaya; A ri Xinyimpfana xa Eden, kusukela eka ndzhuti wo sungula lowu wu nga huma eka wona.

<sup>71</sup> Loko Abel, hi ripfumelo, u nyikerile Xikwembu gandzelo ra kahle swinene kutlula Kayini. A nga hava a bohile vhinyo ya—ya tidiriva kurbendzeleka hi nhamu ya xinyimpfana, a xi kokela eribyeni. A teka ribye a ri—ri khoma hi voko ra yena, leswaku riva tlharhi lero leha, kutani a sombha xihlokwana xa xona nyana, kutani a xi tsema a xihaka ku fikela laha xi faka. Kutani wulu ya xona yi hlamba hi ngati leyi yi nga ya xona. A vumbulukile engatini ya yena. A kuri ndzhuti.

<sup>72</sup> Kambe hi siku lero eXihambanweni, a kuri hava xinyimpfana xa misava ley, kambe a kuri Xinyimpfana xa Xikwembu, lexi a xi fa, xi vumbuluka eNgatini ley yi nga ya Xona N'winyi. A hakiwile, niku tlhaviwa, niku biwa, niku tshwuteriwa, niku himiwa, niku makariwa, na hinkwaswo, hi misava, kutani Ngati yi xiririka hi misisi ya Yena.

<sup>73</sup> Loko xinyimpfana xa Abel xi fa, xi file, xi ri karhi xi vulavula hi ririm i leri Abel a nga ri twisisi. A xi ri karhi xi vulavula.

<sup>74</sup> Nakona loko Xinyimpfana xa Xikwembu xi fa hi siku lero a Xihambanweni, U vulavurile hi ririm i leri ku nga pfumaleka

loyi a nga N'wi twisisa. "Xikwembu xa Nga, Xikwembu xa Nga, U Ndzi tshikele yini?" A xi ri Xinyimpfana xa Xikwembu, xi hakiwile xi va swiphemu, xi tsemeleriwile.

<sup>75</sup> A xa hari Xinyimpfana lexi Abel ari na xona emiehleketweni, loko a ta vona Mbewu leyi yi nga tshembhiswa ya wansati. A ri Xinyimpfana lexi Daniel a nga xivona, lexi xi nga hawuriwa entshaveni, ku ngari hi mavoko. A ri Vhilwa exikarhi ka vhilwa, ra muprofeta. Hinkwaswo leswi va nga rhanga hi ku swivona ku hlanganiwe na swona hi siku lero, hi siku lero eXihambanweni. Lexi xi nga nghenisa swilo swa kahle. Leswi swi nga tshova nhlana wa Sathana.

<sup>76</sup> Xosungula, hi fanele ku lava leswi siku lero ri vulaka swona. Xa vumbirhi, hi vona leswi siku lero ri nga hi endlela swona, sweswi, leswi ri nga hi endlela swona. Sweswi, xa vunharhu, a hi languteni eka leswi hi fanelaka ku swi endla swa siku lero. Xana hi fanele ku endla yini xana?

<sup>77</sup> Xosungula, hi ta fanela ku ri languta, hikuva i siku lerikulu, lerikulu eka masiku hinkwawo ka wona. Nxavo wa vudyoho wu tshamisekile. Matimba ya Sathana ya tshoviwile.

<sup>78</sup> Kutani sweswi hi lava ku vona leswi hi nga swi endlaka hi ku tlherisela. Sweswi, hi ku tlherisela, loko Yesu a fa a Xihambanweni, a Xihambanweni hi siku lero, A nga hakeli nxavo wa swidyoho swa hina ntsena, kambe nakambe U hakele nxavo a tlhela a endla ndlela ya leswaku hi nga ha N'wi landzela; hikuva hina, tani hi Vaadamu lava va nga wa lava va nga kutsuriwa. Tani hilaha Moya wu fambiseke Adamu (Adamu wo sungula) hi Moya, loyi ari na vulawuri ehenhleni ka ntumbuluko hinkwawo, kutani hina (Adamu wa vumbirhi), kumbe vanhu va misava va kutsuriwile hi Kreste, kusuka hi siku ra Xihambano, leswaku hi N'wi landzela. Sweswi, loko A fa a Xihambanweni, U endlile ndlela. U nyikerile Moya, wu nga Moya lowo Kwetsima, lowu a nga Wu tlherisela a wu rhuma emisaveni, leswaku wena na mina hi hanya ha wona. Sweswo hi leswi Xihambano xi swi vulaka eka hina, ku N'wi landzela.

<sup>79</sup> Xosungula, langutani eka xona, mi languta leswi xi nga hi endlela swona. Kutani sweswi hi boheka ku endla yini hi ku xi khensa? Xana n'wina na mina hi boheka ku endla yini?

<sup>80</sup> Sweswi, hi ri, "Kunene, ndza—ndza swi amukela sweswo. Sweswo swi kahle swinene." Kambe hi fanele ku xi amukela. Kutani ku xi amukela, i ku amukela Munhu wa Xona, ku nga Kreste atimbilwini ta hina.

<sup>81</sup> Kutani, hi ntshuxekile eka vudyoho, swingaleswi ku hava ku khomana na vudyoho lebyi byi nembelelaka eka hina, eka hinkwaswo. Xikwembu, ntsena ku fana ni loko hi nga se tshama hi dyoha, Gandzelo leri ri hetisekeke ri hi endla lava va hetisekeke. Hikuva, Yesu u teri, "Hetisekani hakona, kukotisa

Tatana wa n'wina wa le Matilweni a hetisekeke." Kutani, a ka hari na leswi swi nga ta endliwa, kambe hi endliwa lava va hetisekeke eVukoneni bya Xikwembu.

<sup>82</sup> Sweswi, hilaha hi lahlekeriwaka hi ndhawu ya hina. Loko hi nga langutisi, hi ringeta ku languta endzhaku laha a hi ri xiswona. Nakona ntsena loko tani hi languta endzhaku laha a hi ri xiswona, Gandzelo a ri vuli nchumu eka hina. Oho, a mi swi voni xana, kereke? [Nhlengeletano yi ku, "Amen."—Muhler.] A ndzi nge... Ndzi ngaka ndzi nga wu ringeti ntirho. A ndzi nge swikoti, nakona hambi kuri n'wina. A ku na xilaveko xo ringeta. Mi lahlekile, kusungula hi swona, ntsena loko u nga langutisa leswi u nga swi endla. Kambe u nga langutisi eka leswi u nga swi endla.

<sup>83</sup> Langutisa eka siku lero eXihambanweni leswi ri nga ku endlala swona. Xi hakerile nxavo wa n'wina. Xi tshamisisile xivutiso. "Swidyoho swa n'wina a swi ri tani hi mavalalava; swi basile tani hi gamboko. Swi tshwuка tani hi vala ro tshwuка; swi basa tani hi wulu." Swingaleswi a ma hari na vudyoho. Mi hetisekile a ma hari na vudyoho. A swi na mhaka ni leswaku mi endlile yini, kumbe leswi mi swi endlaka, hambi swi ri tano a mi na vudyoho. Ntsena tani hiloko mi amukerile Yesu Kreste tani hi Muponisi wa n'wina, swidyoho swa n'wina swi rivaleriwile. Nchumu wun'wana na wun'wana lowu wu nga *rivaleriwa* "wu suriwire wu tlhela wu rivariwa."

<sup>84</sup> Kutani xana xi endla yini? Xi mi nyika, endzhaku ka xiyimo xexo, Moya wa Xona, ku Xi landzela niku endla tani hilaha Xi nga endla hakona, eka van'wana lava va nga va landzeri. A ri ntsena Munhu un'we, Munhu loyi a hetisekeke. U nyiketile vutomi bya Yena hinkwabyo, nakona U mi endlerile xikombiso. Sweswi hi boheka ku endla yini?

<sup>85</sup> Sweswi, xosungula lexi ndzi lavaka ku xi vula, i ku, Yesu a nga kalanga a ti hanyela hi Yexe. Vutomi bya Yena u byi tirhisele van'wana. Leswaku, hi ku hetiseka, Vutomi lebyi nga Heriki. Loko u ku u ya ekerekeni, nakona u endla swilo swa kahle, swikahle. Kambe loko u tihanyela vutomi bya wena n'winyi, a wu na byona Vutomi lebyi nga Heriki. Vutomi lebyi nga Heriki, i ku hanyela van'wana. Swi khorwisa hiloko Byi ta eka Xinyimpfana xa Xikwembu. U hanyile, nakona a ri na Vutomi lebyi nga Heriki, hikuva A nga tihanyeli yena N'winyi. A hanyela van'wana. Nakona u amukela Vutomi lebyi nga Heriki, hi ku amukela siku lero, nakona a wa ha tihanyeli wena hi wexe nakambe. U hanyela van'wana.

<sup>86</sup> Un'wana a ku, "U yimela yini, u ri karhi u pfumelela un'wana a ku vitana hi mavito yo biha?" A wu ti hanyeli wena n'winyi. U hanyela van'wana, leswaku u nga ha kutsula

munhu ya loye. Mi va vana. Nakona khombo ra kona i ku, kereke yi rivarile leswaku hi yona vana. Mi n'wana. Mi teka ndhawu ya Kreste. Mi n'wana, swingaleswi mi nga tihanyeli mi ri n'wexe. Hanyelani van'wana.

<sup>87</sup> “Kunene, Makwerhu Branham, ndzi nga ha hanyela boti *loyi*, hikuva u na ntiyiso wa leswaku i munhu wa kahle.” Sweswo a hi swona.

<sup>88</sup> Hanyela munhu yaloye loyi a ku vengaka. Hanyela munhu yaloye loyi a nga ku dlayaka loko va nga swikota. Sweswo hi leswi va nga N'wi endlela swona. Va N'wi dlayile, nakona U file, leswaku A nga ha va ponisa. Byebyo i Vutomi lebyi nga Heriki. Loko, wena, u nga emakun'wini, u langutanile na Tilo sweswi. Kambe u tshika swilo leswi nga swa wena, u swi tshika, kukotisa nyimpfu loko yi nyika wulu ya yona. U languta emahlweni, eXihambanweni.

<sup>89</sup> Ndzi pfumela leswaku leswi swa mi pfuna leswaku mi kumeka endhawini. Yaleylo hi yona tabernakele, sweswo hi swona leswi vanhu hinkwavo, va fanelaka ku swi endla, i ku lavisia leswi mi nga xiswona, na xikongomelo xa kona. Kereke, a hi kuya ekerekeni ku ya tlanga vunanga, ku yimbeleriwa tinsimu. Kereke i ndhawu yo lulamisa. “Kuavanyisa ku sungula endlwini ya Xikwembu.”

<sup>90</sup> “Hi boheka kuva hi ti hlayela kuva hi file, niku hanyela Kreste.” Kutani, U endlile ndlela ya leswaku hi nga tinyikela eka ntirho wa Yena, leswaku hi N'wi landzela. Loko hi N'wi landzela, hi rhangela vutomi lebyi Yena a nga byi hanya. Sweswo swi sasekile.

<sup>91</sup> Yesu u swivurile, ni kuva a vulavule hi swona. Mi nge ntsena ndzi mi nyika mintshaho yintsongo eka swona. Yingiselani swinene. Mi nga swi hupi. Yesu u teri, hi Siku lero U ta a va vanhu, tani hi nyimpfu eka timbuti. Nakona U ta ku eka timbuti, “Yimani a ximatsini.” Kutani nyimpfu, “Yi ma exineneni.”

<sup>92</sup> Nakona U teri eka timbuti, “Sukani eka Mina. Hikuva, Ndzi vile na ndlala, kutani a mi Ndzi phamelanga. A Ndzi ri ekhotsweni, kutani a mi Ndzi endzelanga. A Ndzi nga ambalanga, kutani a mi Ndzi ambexanga. A Ndzi ri na torha, kutani a mi Ndzi kelanga ndzi nwa. A Ndzi vabya, kutani a mi Ndzi endzelanga. Swingaleswi, sukani eka Mina.”

<sup>93</sup> Nakona eka nyimpfu, A ku, “A Ndzi ri na ndlala, kutani u Ndzi phamerile. A Ndzi nga ambalanga, kutani u Ndzi ambexile. A Ndzi vabya, kutani u Ndzi vulele rito.”

<sup>94</sup> Kutani lemukani. Mi nga hluleki ku swi kuma leswi, kereke. Swi hlaiseni leswi etimbilwini ta n'wina, hilaha ku nga heriki. Swi endliwe ku ngari na ripfalo! Vanhu a va swi endli hi ntila wa nfanelo. Munhu loyi a ku nyikaka swin'wana, hikuva u fanerile ku swi endla, munhu loyi a mi phamelaka

hikuva a ri na nfanelo yo swi endla, u na miehleketo ya vutirhandzi. Byi nga hava byi ri vutomi bya n'wina, mintirho leyi yi nga ya n'wina.

<sup>95</sup> A swi hlamarisa ngopfu eka nyimpfu leyi, laha va nga teri, "Hosi, U vile na ndlala rini? Nakona hi nga Ku phameli... Hi rini loko U ri na ndlala, nakona hi Ku phamerile? Hi rini loko U nga ambalanga, nakona hi Ku nyika swiambalo? Hi rini loko U ri na torha, nakona hi ku nyikile U nwa? Hi rini loko U vabya, nakona hi Ku vulavulele rito?"

<sup>96</sup> Xikan'we-kan'we swi va swi humile ekarirhandzu, ntsena Vutomi bya Wena byi hanya eka vona. Xikwembu, pfumelela vanhu va vona leswi Xihambano xi nga hi endlela swona, kutani swi xikan'we-kan'we.

"A Wu ri kwihi, Hosi? A hi switivanga sweswo."

<sup>97</sup> Langutani hilaha Yesu a nga hundzuluka hakona a ku, "Tani hiloko mi endlele lava, a mi swi endlela Mina."

<sup>98</sup> Vutomi lebyi ngariki bya ku tirhandzela; ku ngari miehleketo ya vumbirhi. Ku ngari ku ehleketa hi swona; kambe u file eka swilo swa misava, kutani swingaleswi hanyani eka Kreste, kutani mi famba eka hayiweyi, leswaku swilo leswi swo va ntsena swilo leswi swi endlekaka. Ntsena wo swi endla. Ku ngari ku vula leswaku, "Kunene, sweswi, Hosi yi ta swi endla, Hosi, yi ndzi lava ndzi swi endla." A hi swona sweswo. Wo va ntsena xiphemu xa Yena. Moya wa Yena wu le ka n'wina, nakona mi va na maendlelo lawa Yena ari na wona. Ah! Ma swi kuma.

<sup>99</sup> "Kuna ndlela leyi yi langutekaka yi lulamile eka munhu, kambe emakun'wini wa yona ku na ndlela ya rifu."

<sup>100</sup> "A hinkwavo lava nge, 'Hosi, Hosi,' va nga ta nghena, kambe hi lava va endlaka ku rhandza ka Tatana wa Mina," ntsena kusuka etimbilwini ta vona, ntsena hi ku ntshuxeka.

<sup>101</sup> Sweswi, siku lero a Xihambanweni ri hakerile nxavo walowo, swingaleswi hi ngava hi ndlela yaleyo.

<sup>102</sup> Ku ngari leswaku, "Wa tiva, muferiwa Jones nkarhi wun'wana ari... U heleriwile hi malahla, nakona ndzi yile ndzi ya n'wi xavela malahla. Ndza ku byela, ndzi vonile boti loyi a lavana na mpahla ya suti, kutani ndzi yile ndzi ya n'wi kumela mpahla ya suti. A ku khensiwi Xikwembu! Ndzi Mukreste." Oho, mina! Wena wo tirhandzela swa wena, wa xisiwana, munhu loyi a ngalhupheka. U mutikukumuxi.

<sup>103</sup> "U nga pfumeleli voko ra xinene ri tiva leswi ra ximatsi ri swi endlaka, na ra ximatsi ri tiva ra xinene leswi ri swi endlaka." Ntsena ku kumeka u file eka Kreste, kufikela laha u swi endlaka, hi ndlela yin'wana. I ntumbuluko wa wena. I ku tiphontsa ka wena. Wa swi endla, hi ndlela yin'wana. Kova ntsena Vutomi lebyi byi nga eka wena. Hi kuhetiseka u yime

u kongoma eka Moya walowo, nakona ntsena Wa hanya wona hi Woxe endzeni ka wena. Oho, u twa Moya walowo wu nga katekisaka, Vutomi byebyo! “A hi mina ndzi ti hanyelaka,” ku vule Paul, “kambe i Kreste a hanyakaka eka mina,” ntsena swi endlekisa xisweswo.

<sup>104</sup> “Kunene, ndza ku byela, Makwerhu Branham, hi Vakreste lahawani. Hi pfuna vanhu *lava*. Hi pfuna vanhu va *vona*.” Oho, mina! Khomani hi tingana. Byebyo a hi byona Vukreste.

<sup>105</sup> Vukreste ntsena xikan’we-kan’we byi na swona. Swi fanele ku endliwa. Nakona ntsena ma rivala ha swona, hinkwaswo ka swona, “A ndzi tano.” Fambani, mi ya swi endla.

<sup>106</sup> Kreste ntsena u nyikerile vutomi bya Yena hi ku hetiseka eka Xikwembu. U tinyikerile hi Yexe, tani hi nandza wa vanhu, evanhwini. U nyikerile vutomi bya Yena, hi ku ntshuxeka. A nga fanelanga ku swi endla. Ku ngari leswaku A nga enetisekanga ha swona. A nga vulanga a ku, “Sweswi, vamakwerhu, hinkwerhu mi ta fanela ku ehleketa hi vunyingi bya Mina, hikuva Ndzi ta eku mi feleni.” A nga kalanga a vula na rito ha swona. U file, hi ndlela yin’wana, hikuva a xi ri Xikwembu endzeni ka Yena.

<sup>107</sup> I Xikwembu lexi xi nga endzeni ka n’wina, i Xikwembu lexi nga endzeni ka mina, leswi swi hi endlaka hi languta eka van’wana. Nyimpfu, eka tlheloh lerin’wana.

<sup>108</sup> Un’wana wa vona u ta ku, “Kunene, Hosi, ndzi endle *leswi*. Nakona, Hosi, ndzi endle *sweswo*.”

<sup>109</sup> U teri, “Sukani eka Mina, n’wina vatirhi va leswo biha. A Ndzi mi tivanga hambi kuri ku mi tiva.”

<sup>110</sup> Loko kereke yi nga ta eka timhaka leti ta ntiyiso wa timhaka, leswi swi ngariki swin’wana leswi mi ringetaka ku swi endla, ma ti tirhela hi vun’wina leswaku mi swi endla. Hi swin’wana leswi swi nga tswariwa endzeni ka n’wina.

<sup>111</sup> Ndzi rivaleli, munghana wa mina wa Pentekostal. Ndzi wa ximoya na mina. Kambe vanghana va mina va Pentekostal va fike endhawini, laha ku nga na—na vunyingi bya vunanga lebyo hatlisa, kuri karhi ku biwa tibende tin’wana, kumbe ku phokotela mavoko, kumbe titamborini, ku tisa ku huwelela. Sweswo swo va nyanyuko ntsena. Va chayile etibendeni va nga siya enyimpini. Va nghenisile vanhu eka nyanyuko wa nyimpi. Ndza pfumela eka vunanga na mina. Ndza pfumela eka ku phokotela ka mavoko. Kambe ndzi pfumela eka swilo leswi. Sweswo hi swona hakunene. Hi fanele kuva na sweswo.

<sup>112</sup> Kambe mi siye swilo leswikulu swi nga endliwanga, i ku tinyikela kwaloko ka vutomi leswaku Xikwembu xi hanya endzeni ka n’wina, xikan’we-kan’we hi ku endla sweswo laha swi nga kahle hikuva swi kahle. Ntsena kuya emahlweni, mi nga kali mi ehleketa nchumu ha swona. Ntsena ku swi hanya. Kutani

langutani, wa swi vona leswi swi humelelaka. Ntsena mi... a mi... Mi le ka hayiweyi. Sweswo hi leswi Xihambano xi vulaka swona eka wena, eka hayiweyi, ripfumeleriwe wena hi siku lero.

<sup>113</sup> Sweswi, sweswi tsundzukani, a mi nge swikoti kuva hafu ya mbuti na hafu ya nyimpfu. Swingaka swi nga hlangani.

<sup>114</sup> Sweswi, kuna vanhu votala lava va nge, “Ina, ma swi tiva leswaku i yini? Hi na nhlangano wa hina eka ntlawa wa hina. Hina, hi pfuna swisiwana. Hi endla *leswi*.” Hi swona swi lulamile, kambe wo ti chayela riboma leri ri nga ra wena ha swona. A wu swi endli sweswo.

<sup>115</sup> “Banani huwa ya n’wina eswhihundleni,” Yesu u teri. Ntsena xikan’we-kan’we, swin’wana eka n’wina, kuhava swo tlula ku famba, mi ya kuma mati mi nwa. Mi na torha. Loko munhu loyi a landzelaka a ri na torha, mi ehleketa hi yena, na n’wina. Mbewu ya munhu loyi a landzelaka, mi ehleketa hi yena ku fana na loko u tiendlela leswi swi nga swa wena. Nakona u nga swi yingiseli. Ntsena hanya u ya emahlweni.

Sweswi, a wu nge swikoti kuva hafu ya nyimpfu na hafu ya mbuti.

<sup>116</sup> Swingaleswi loko mi ku, “Kunene, kereke ya hina yi na nhlangano. Ha nyika swisiwana, nakona hi endla *leswi*, ni ku endla *sweswo*, niku endla *swin’wana*.”

<sup>117</sup> Loko u ri na sweswo ku ngari na *swin’wana*, Vutomi bya Kreste eka n’wina, ntsena mi swi endla swi ri swa hava hi ku hetiseka. Yesu... Paul u teri, Vakorinto vo Sungula 13, “Hambi ndzi nga nyika nhundzu ya mina hinkwayo ku phamela swisiwana, na kuva ni nyikela miri wa mina leswaku wu hisiwa tani hi gandzelo, a swi ndzi vuyerisi nchumu.”

<sup>118</sup> Sweswi, leswi swa tika, kambe i Ntiyiso. Mi fanele ku fika eka mhaka ya leyo, lemukani leswi Xihambano xi nga mi endlela swona. Ha xi languta, hi ku, “Oho, ina, swi kahle sweswo.” Sweswo a hi swona. Loko N’wana yaloye wa Xikwembu a fanele hi kuya eXihambanweni, kuya eku vambiwensi, n’wana un’wana na un’wana u boheka ku ta eXihambanweni. U boheka kuva na Xihambano. Mi boheka kuva na siku lero ra Xihambano. Ndzi fanele kuva na siku lero ra Xihambano. Sweswo swi tshamisisa xivutiso xa vudyoho. Ku ngari ku tlhavulana mavoko na muchumayeri; ku ngari ku ninginisiwa ekerekeni; ku ngari ku nghena hi papila; ku ngari ku nghena hi profexini. Kambe ku nghena hi ku Tswariwa. A nga kalanga a nyika papila. A nga kalanga a nyika profexini. U nyikile ku Tswariwa. Sweswo hi leswi hi nghanisaka xiswona. Kutani, kusuka eka sweswo, xikan’we-kanwe hi hanya vutomi bya Xikreste.

<sup>119</sup> Sweswi, marito man’wana. Hafu mbuti, hafu nyimpfu, va hava nchumu wo kotisa walowo. Mi mbuti kumbe nyimpfu. A mi hafu mbuti na hafu nyimpfu. Mi nga hava mi ri mbuti kumbe nyimpfu.

<sup>120</sup> Sweswi, loko ntsena mi endla leswi swi nga kahle, niku ehleketa leswaku mi nga ha nghena, ha sweswo, kutani a ku fanele kuri hava siku ra Xihambano. Nawu wu swi nyikile sweswo. Kambe, kuva swi tekile siku ra Xihambano, a kuri ku swi nghanisa sweswo, leswaku hi ngaka hi ngavi ntsena swirho swa kereke, kambe hi va majaha na vanhwana va Xikwembu. Sweswo hi leswi siku ra Xihambano ri nga xiswona. Sweswo hi swona swi swi vulaka eka n'wina, leswaku mi nga ha swi endla, niku landzela, ni kuva na maendlelo ya Yesu.

<sup>121</sup> Sweswi, nambu a wu khuluki wu ya ehenhla nale hansi, hi nkarhi wun'we. Nambu wu khuluka hi ndlela yin'we ntsena. Na Moya wa Xikwembu ntsena wu khuluka hi ndlela yin'we. A wu kali wu hlanganisela swilo na Wona. Wu khuluka hi ndlela yin'we.

<sup>122</sup> Langutani Yesu, hi ku pfala. Yesu u teri, "Mintirho leyi Ndzi yi endlaka mi ta yi endla na n'wina, mi ta endla ni leyikulu yo tlula leyi, hikuva Ndzi ya eka Tatana wa Mina."

<sup>123</sup> A ndzi vuli leswi ngopfu—ngopfu eka kereke leyi yi nga lahawani. Ma swi twisia. Kambe Mahungu lawa ya kandzisiywile. Khume ra magidi va ta mayingisela, ku rhendzeleka hi misava.

<sup>124</sup> Ndzi ta hlamlula xivutiso xexo eka musandzi, sweswi. Ndzi tala ku vula leswaku...swi vuriwile. Va ri, "Hikokwalaho ka yini, wa yi pfumela Bibebe xana? Yesu u teri, 'Mintirho leyi Ndzi yi endlaka mi ta yi endla na n'wina, nakona mi ta endla yo tlula leyi, hikuva Ndzi ya eka Tatana wa Mina.'"

<sup>125</sup> Swi bihe kwihi ku swi endla, nkulukumba? U le kule njhani na ku vona swa ximoya laha u nga tsenzechaka, na vutlhari bya va ntivo-vukhongeri, na mavonelo ya wena ya miehleketo ya swin'wana na swin'wana? Munghana wa mina wo saseka niku lahleka, xana a wu swi twisisi leswaku Bibebe leyi yi hlamusetiwe hi ximoya xana?

<sup>126</sup> Yesu u khensile Tatana leswaku U Swi tumbetele swidyondzeki, lava mano, na tintlharhi, ni lavo tiva, kutani a Swi paluxela vana vokotisa lava va nga ta ta eXihambanweni.

<sup>127</sup> Sweswi langutani. Yesu u teri. Langutani hilaha A nga swi sungula hakona. "Mintirho leyi Ndzi yi endlaka," U le ku swi endleni sweswi. "Mintirho leyi Ndzi yi endlaka sweswi, ku hanyisa vavabyi, a pfuxa vafi, a pfula mahlo ya mabofu, mintirho leyi mi ta yi endla na n'wina. Mi ta swi endla leswi loko mi pfumela eka Mina. Mi endla mintirho leyi. Nakona leyikulu yo tlula leyi mi ta yi endla, hikuva Ndzi ya eka Tatana wa Mina."

<sup>128</sup> "Ku ngari kungani, kutani misava a yi nga ha Ndzi voni, kambe n'wina mi ta Ndzi vona. Ndzi tava na n'wina, ndzi tshama na n'wina, kuya fika emakun'wini ya misava. A Ndzi

nge mi siyi mi ri swisiwana. Ndzi ta khongela Tatana; leswaku A mi rhumela Muchaveleri un'wana, loyi a nga Moya lowo Kwetsima, loyi misava yi nga taka yi nga n'wi amukeli; hambi swi ri tano, mi nga ha N'wi amukela."

<sup>129</sup> Sweswi lemukani. Mintirho "leyikulu," i kuva na Matimba eKerekeni, kungari ku hanyisa vavabyi hi xikhongelo, ku hlongola madimona hi xikhongelo, kambe ku avela vapfumeri Vutomi lebyi nga Heriki. Moya lowo Kwetsima wu le kuteni, nakona wu nyikiwa emavokweni ya Kereke, ku avela Vutomi. Oho! Sweswo hi leswi Xihambano xi vulaka swona. Xi teka lavo korhama, na vavanuna lava va nga yisiwa ehansi na vavasati, kutani va tlakuseriwela endhawini, leswaku va va majaha na vanhwenyana va Xikwembu, ku ta hanyisa vavabyi ni ku avela Vutomi lebyi nga Heriki; hi ku nyika Moya lowo Kwetsima eka vapfumeri lava va yingisaka, vanhu lava va nga tshama va ngavi vapfumeri, lava va nga endlifa vapfumeri, ni ku averiwa ka ximoya, Vutomi lebyi nga Heriki. Byi njhani hi vukulu, ku vula leswaku...

<sup>130</sup> Wansati loyi a vabyaku a nga pavala lahawani, ndzi nga ha khongela xikhongelo xa ripfumelo kutani a hanyisiwa. Walowo i nchumu wa kahle. Sweswo hi leswi A swi endla kwalaho.

<sup>131</sup> "Kambe," a ku, "yo tlula leyi mi ta yi endla. Ndzi ta mi nyika Matimba, ku ngari ku n'wi pfuxa nyana, kambe ku n'wi nyika Vutomi lebyi nga Heriki, lebyi byi nga tava lebyi nga Heriki, hilaha ku nga heriki." Swisiwana, mabofu, vanhu va khombo, mi swi hupa njhani sweswo? Xana a mi swi voni leswaku nchumu "lowukulu" kuri i yini? Walowo i nchumu lowukulu lowu wu nga humelelaka, i ku avela Vutomi lebyi nga Heriki evanhwini. Xana Vutomi lebyi nga Heriki i yini? I Vutomi lebyi Yena a nga byi hanya, Vutomi lebyi a byi ri eka Yena, a avela Sweswo eka van'wana. Xana munhu a nga swi endla sweswo xana? N'wana wa Xikwembu a nga swi endla.

<sup>132</sup> Yesu u teri, "Lava mi nga ta va khomela swidyoho, va ta khomeriwa swona; lava mi nga ta va hlayela swona, va ta hlayeriwa swona."

<sup>133</sup> Sweswi lahawani hilaha kereke ya Khatholiki ni tin'wana to tala ti nga endla xihoxo lexikulu. Va huma va ya ku, "Ndzi mi rivalela swidyoho." Sweswo a swi ngari swona.

<sup>134</sup> Xana va kumeka va rivaleriwe swidyoho njhani, a Bibeleni? Petro u hlamurile xivutiso xexo, hi Siku ra Pentekosta. Va teri, "Xana hi nga endla yini leswaku hi ponisiwa? Xana hi nga swi kumisa ku yini Leswi n'wina hinkwerhu mi nga swi kuma?" U andlarile ehansi swiletelo. U va byerile leswi va fanelaka ku swi endla.

<sup>135</sup> U teri, "Hundzukani, un'wana na un'wana wa n'wina, eka Xikwembu, kutani mi khuvuriwa hi Vito ra Yesu Kreste." Swi ta ku yini? Mi ta rivaleriwa swidyoho swa n'wina. Kwalaho ku na mintirho "leyikulu."

<sup>136</sup> I vangani, n'wina swichumayeri mixo lowu, i vangani, n'wina mi yingiselaka Rito ra mina eka thepi ya maginetiki, mi tsakelaka ku ya eXihambanweni mixo lowu? Ni ku ya languta leswi Xikwembu xi nga mi endlela swona. Ni kuva mi tshika mikhuva ya n'wina ya xidinominexini, kutani mi chumayela Evhangeli. Haleluya! Ri le marhunbyini ya n'wina sweswi. Xana mi taya mi ya endla yini ha Rona xana?

<sup>137</sup> "Hikuva ku hundzuka na ku rivaleriwa ka swidyoho swi fanele ku chumayeriwa hi Vito ra Yena, eka misava hinkwayo, kusungula eYerusalem." Haleluya! Wa kwetsima! Kwalaho mi nga kona.

<sup>138</sup> Xana Xihambano xi vula yini eka n'wina? Xana siku lero ri mi endlela yini? Xana ri mi humesa na maendlelo yan'wana, na ntivo-vukhongeri byin'wana? Xana ri mi endlela hembhe yo tirha hi yona? Kumbe swi nga hava swi ku endla Mukreste, byi xavisiwa? Haleluya!

<sup>139</sup> Vudyoho, byi rivaleriwa! "Mi ta endla mintirho leyikulu yo tlula leyi." Ma swi vona leswaku "va n'wina" i va mani, a hi n'wina xana? "Mintirho leyikulu yo tlula leyi," ku rivaleriwa ka swidyoho, hi Vito ra Yesu Kreste.

<sup>140</sup> Kambe hi mikhuva ya tidinominexini, na kuya emahlweni, swi mi bohele endhawini, hambi swi ri tano ma ha tirhela misava. Ndzi byeleni wanuna un'wana, ndzi byeleni wansati un'wana, loyi a nga ringetaka ku ta eXihambanweni ni ku ringeta kuva un'wana lonkulu hikwalaho ka un'wana a nga vula swin'wana. Ndzi byeli hilaha u nga langutaka exikandzeni xa Xihambano, eka ku vonakala ka xona, hi siku lero ra le Xihambanweni. Xana u nga va na rona njhani siku ra wena eXihambanweni, kutani u huma tani hi hembhe yo tirha? Xana u nga huma njhani u ri phaphete ya nhlangano wu n'wana, u tlhela u chumayela hi tidyondzo tin'wana leti nga endla hi munhu? Hikokwalaho ka yini xi nga ku tsongahati eka Rito ra Xikwembu? Loko u tshame u kumeka kwalahaya, u ta huma u ri karhi u titsongahata. Hikokwalaho ka yini u lava swin'wana leswikulu eka nhlangano wa wena, na risiva leri ri nga eka xihuku xa wena, loko Yesu Kreste N'wana wa Xikwembu a titsongahatile yena hi Yexe ku hakiwa miri, eka xikandza lexi xi nga tshwuteriwa, kufikela laha kuvaka na tingana na nhlomulo? Va tlhela va hluvula swiambalo swa Yena, va N'wi vamba, emahlweni ka misava. "A nga vulanga nchumu hi tingana." Xana u ngaya njhani eXihambanweni kutani u vuya u ri loyi a nga hambana kutlula leswi Yena ari xiswona, tingana, ku nyumisiwa?

“Oho,” mi ri, “va ta ndzi rhaha va ndzi hlongola.” Va tshiki va rhaha.

<sup>141</sup> Vana na siku ra wena eXihambanweni, Xikwembu xi tava na ndlela ya Xona na wena. Mi nge ndzi swi tshaha nakambe sweswo. Vana na siku ra wena eXihambanweni, Xikwembu xi tava na ndlela ya Xona na wena.

A hi khongeleni.

<sup>142</sup> Hosi, Wena Xikwembu, hi teki hinkwerhu ka hina u hi yisa eXihambanweni ntsena sweswi. U nge hi fambela ekule na vuhaba, Hosi, ku chava vanhu, ku chava leswaku un’wana u ta ku yini. Hikokwalaho ka yini, misava hinkwayo yi N’wi hlekile, yi N’wi endla xihlekisi. Kambe A ri yingisa, rifu. A yingisa, eka nhlomulo. A yingisa, hambi kuri ehansi ka mfumo wa federali.

<sup>143</sup> Nakona hi swi lemukile leswaku loko Sathana a tava a bile misava leyti, u vile mufuwi na kuva na vuhaba eka misava leyti. U mbhoniyerile swo fana emahlweni ka Hosi ya hina, a ku, “Mimfumo leyti i ya mina. Ndzi ta endla leswi ndzi swilavaka ha yona.” Kutani hi swi lemukile sweswo, kusukela hi siku lero kufikela eka leri, misava leyti, yi le hansi ka ndzhukano, yi fumiwile hi loyi a nga yi rhukana.

Kambe, Xikwembu, Wena Xikwembu, hi tirhela Mfumo lowu wu nga rhukaniwangiki.

<sup>144</sup> Tatana, Xikwembu, swi hlamarisa njhani, leswaku U endle swilo leswikulu eka—eka xifaniso xa misava namuntlha. Hi ku pfumelela swifaniso leswi leswikulu, tani hi *Milawu ya Khume*, na kuya emahlweni, yi huma, ku ta pfumelela vavanuna na vavasati va vona, lava nga taka va nga ntimisi hambi kuri ku ntimisa rivanti ra kereke, kambe va pfumeleli va swi vona leswaku swi yini. Ndlela ya Xikwembu i ndlela leyti yi nga ariwa, hi misava. Hikuva ha fana...Hi ya eRussia ehansi ka xikhomonisi.

<sup>145</sup> Hi le misaveni leyti, kambe a hi va yona misava leyti. Hi yile eXihambanweni. Hi tivambile hi hexe, hi endlela Mfumo wa Xikwembu, leswaku wu va wun’wana wa Xona. A swi na mhaka ni leswi misava yi swivulaka hi teka ndlela na Hosi ni lava nyenyiwaka lavantsongo. Hi ya emahlweni eka ku pfuka, nakona ha pfumela leswaku sweswo swi le kusuhi ku ngari khale, Hosi, kufikela laha hi pfukelaka eMfun’weni lowu wu nga ta teka misava leyti. Tani hilaha Daniel a nga wu vona, nakona swi tshovelerile misava hinkwayo, kuya eka mungu lowuntsongo, nakona moyo wu swi pfurheterile swi suka eka ku hula ka le hansi ka ximumu. Kambe, ntshava, Ribye ri kula eka ntshava leyikulu leyti yi nga funengeta misava. Ribye lero ri tata. Wena Xikwembu, hi lava kuva xiave xa yona. Hi pfumeleli leswaku hi ti tshika, hi teka xihambano xa hina masiku hinkwawo, hi hanyela Kreste, hi hanyela van’wana. Hi nyike swona, Hosi.

<sup>146</sup> Ku nga hava kuri na van'wana lahawani mixo lowu, nakona lava nga N'wi tiviki tani hi Muponisi, nakona va lava ku tsundzukiwa eka xikhongelo xo pfala, nakona mi swi tsakela leswi leswaku kuva siku ra n'wina rale Xihambanweni, mi nga ha yimisa mavoko, mi ku, "Ndzi khongelei, Makwerhu Branham. Ndzi lava ku N'wi tiva tani hi Muponisi wa mina." Xikwembu a xi ku katekisi, nakulorhi lontsongo. Un'wana nakambe? Xikwembu a xi ku katekisi, boti wa mina kwala endzhaku.

<sup>147</sup> Kahari na un'wana xana? A nge, "Ndzi lava ku N'wi tiva. Ndzi lava leswi leswaku swi va siku rale Xihambanweni, ra mina. Ndzi karhele niku hlambisiwa timbilu. Swi pfuna yini ku tlanga lahawani na nchumu lowu ndzi nga tswaleriwela ku wu endla? Ndzi tswariwile, ndzi tswaleriwela kuva n'wana wa Xikwembu, kutani hi mina loyi ndzi khomeleleke eka swilo swa misava. Xikwembu, ndzi pfumeleli ndzi ti vamba namunlhha. Ndzi pfumeleli ndzi ti vamba, namunlhha, hi vumina na miehleketo ya mina, leswaku ndzi nga ha hanya na Kreste, kutani hi hanyela van'wana. Swi ngari na mhaka ni leswaku va endla yini eka mina, kuva va ndzi hleka, niku ndzi henhla, ni kuvula hinkwaswo swo biha ha mina, na swin'wana, u nge hi ku titsongahata hi famba swin'we, na ku titsongahata, tani hi xinyimpfana, tani hilaha A swi endleke. Na siku rin'wana, U tshembhisile ku ndzi pfuxa nakambe, hi Siku ro hetelela. Ndzi langutele Siku lero." Ku nga hava na ya n'wana mavoko ya yimisiwaka? Xikwembu a xi ku katekisi endzhaku lahaya, na wena. Hi swona. Ntsena rin'wana... Xikwembu a xi ku katekisi. Xikwembu a xi ku katekisi. Rin'wana nakambe, hi nga se khongela.

<sup>148</sup> Tatana wa hina wa le Matilweni, swi vuriwile, loko Petro a tava a chumayerile hi Siku ra Pentekosta, "Tani hi votala lava a va pfumela va engeteriwile eKerekeni." A va pfumela hi timbilu ta vona hinkwato. Vanhu lava ntsena va nga yimisa mavoko ya vona, ndzi pfumela leswaku va pfumerile hi timbilu ta vona hinkwato. Nakona loko va tava va pfumerile, ku na xidziva xa mati xi nga rindzela lahawani. Va lava swidyoho leswi leswaku swi rivaleriwa. Kuna un'wana lahawani loyi a nga ta va khuvula hi Vito, nakona kuna Vito rin'we ntsena leri nga ehansi ka Tilo leri ri nga nyikiwa vanhu, leri hi nga ponisiwaka ha rona.

<sup>149</sup> Hikuva, tani hilaha ndzi tshaheke Matsalwa eka xinkadyana lexi xi nga hundza, leswaku, "Ku hundzuka na ku rivaleriwa ka vudyoho ku fanele ku chumayeriwa hi Vito ra Yena, eka misava hinkwayo, kusungula eYerusalem." Na le Yerusalem, loko ku hundzuka na ku rivaleriwa ka vudyoho ku chumayeriwile, muapostola u va byelete hi Matsalwa, kutani a ku, "Vafanele ku hundzuka, ku sungula, kutani va khuvuriwa hi Vito ra Yesu Kreste." Yaleyo i mhaka ya

muchumayeri ku yi endla. Eka vona leswaku va hundzuka, na yena kuva a va khuvula hi ku rivalela vudyoho bya vona. “Lava mi nga tava khomela swidyoho, va ta khomeriwa swona; lava mi nga tava hlayela swona, va ta hlayeriwa swona.”

<sup>150</sup> Tatana, swi nga endlekisa ku yini leswaku misava yi suka eka swifafa leswi va nga na swona? Hikokwalaho ka yini va nga pfumeli Evhangeli yo olova xana? Nakona hambi swi ri tano va ha nghenisa, eka sweswo, ku ncincisa: mavito yo hoxeka, nkhuvulo wo hoxeka, nkhuvulo wo hoxeka wa Moya lowo Kwetsima, va tlhavulana mavoko na tiministara, va ri karhi va tirhisa swiyimela-mavito swa Tatana, N'wana, Moya lowo Kwetsima, leswi swi ngariki kona eka Matsalwa; dokhumente leyi yi nga endliwa hi vavanuna va Rhoma, ku ngari ku dyondzisa ka Xikreste loku ku ngariki kona eBibeleni. Ku rivaleriwa swidyoho ku ngaka ku nga rivaleriwi hi swiyimela-mavito, kambe hi Vito ra Yesu Kreste.

<sup>151</sup> Sweswi, Tatana, ha swi tiva leswaku a swi dumanga. Tindlela ta Wena minkarhi hinkwayo ti hi ndlela yaleyo. Kambe pfumelela vavanuna na vavasati, mixo lowu, va fika eka siku lero, siku lero eXihambanweni. Laha, Yesu, a nga hlayelangiki siku lero, tingana teto, kuva a hluvuriwa, kuva a hakiwa a va swiphemu-phemu, ku va a tshwuteriwa, niku hlekiwa; hi misava hinkwayo, hi kereke, hi vanhu lava a va fanele va N'wi rhandzile. Kutani, hambi swi ri tano, eka hinkwaswo sweswo, A nga pfulanga nomo wa Yena, nakona u yile a ya fela vanhu lava a va N'wi hleka.

<sup>152</sup> Xikwembu, hi teki u hi yisa eXihambanweni mixo lowu. Kutani loko va ku ha penga, va vula leswaku hi na Matsalwa hi ndlela yo hoxeka, hambi va nga lava ku vula yini, Xikwembu, va ngaka va nga yimi eka Vukona bya Xikwembu va vula leswaku Ri hoxekile.

A ve nge swikoti ku funengeta swidyoho swa vona hi Bibe. Bibe a yi funengeti swidyoho swa vona: ku ka va nga pfumeri ka vona; leswaku va duma; ku endla ku kotisa ntshungu hinkwawo. Va pfumeleli va ta eXihambanweni mixo lowu.

<sup>153</sup> “Kutani va sungula eYerusalem; leswaku ku hundzuka kwalaho na ku rivaleriwa ka swidyoho ku fanele ku chumayeriwa hi Vito ra Yena eka tiko hinkwaro, kusungula eYerusalem.”

Va pfumeleli va teka goza lero ra ku vambiwa, leswaku va hayekiwa; ni ku tshwuteriwa; ni ku hlekiwa; ni ku thyiwa hinkwaswo leswi va nga thyiwaka swona eka ntila wa vugwinihi bya vukhongeri; ku handzuleka ka tikereke; hinkwaswo leswi va lavaka ku swivula.

Leswaku hina, Hosi, mixo lowu, hi teka ndlela ya hina ni lavantsongo lava soriwaka va Hosi. Leswaku hi nga ha

famba kukotisa vaapostola va nga swi endla, hambi hi jikela exineneni kumbe eximatsini, kutani, kusuka eka vukahle bya timbilu ta hina, hi tirhela Xikwembu. Hi nyike swona, Tatana.

<sup>154</sup> Sweswi, hanyisa vavabyi ni lava va xanisekaka lava va taka eka layini ya xikhongelo. Leswaku lava va nga yimisa mavoko ya vona, etimbilwini ta vona, va hundzuka, sweswi. Leswaku lava va nga yima endzhaku, nkarhi wo leha hi ku hatlisa va ya ematini va ya rivaleriwa swidyoho swa vona ehenhleni ka Vito ra Gandzelo, a nga Yesu Kreste, N'wana wa Xikwembu. Amen.

Kona exihambanweni laha Muponisi wa mina  
a nga fela kona,

Kona kwalahaya hilaha ndzi nga rilela ku  
basisiwa ka vudyoho bya mina;

Kona kwalahaya hilaha ku nga tisiwa Ngati  
embilwini ya mina;

Ku kwetsima akuve . . .

Ku kwetsima akuve eVitweni ra Yena!

Oho, ku kwetsima akuve eVitweni ra Yena!

Oho, kona kwalahaya hilaha ku nga tisiwa  
Ngati embilwini ya mina;

Ku kwetsima akuve eVitweni ra Yena!

A ndzi ri mutsendzeleki ni ponisiwa eka  
vudyoho, (Njhani?)

Yesu hi ku nandzika a tshama endzeni,

Kwalahaya exihambanweni hilaha Yena . . .

(Ku va un'we na Yena.) kona;

Oho, ku kwetsima akuve eVitweni ra Yena!

Ku kwetsima akuve eVitweni ra Yena!

Ku kwetsima akuve eVitweni ra Yena! (Vito  
ro Hlawuleka.)

Oho, kwalahaya . . . hilaha ku nga tisiwa  
Ngati embilwini ya mina;

Ku kwetsima akuve . . .

<sup>155</sup> Xana sweswo a swi mi endleli nchumu xana? Ntsena ka mi basisa. Ku tshembhela eka n'wina: Vutomi, Vutomi lebyi nga Heriki.

<sup>156</sup> Swivula yini "ku vambiwa na Kreste"? I kuva u hanyela van'wana. Xana hi lava njhani lavan'wana? Hi lava va ku vengaka, lava va nga ku rhandzeku, lava va nga ku hlekaka: u hanyela vona; u va na vona; u va rhandza; "u khongeleta lava va nga tolvela ku vulavula hi wena, lava va vulaka maendlelo hinkwawo ya vubihi ya vunwa, hikokwalaho ka Vito ra Mina. Va xanisile vaprofeta lava a vari emahlweni ka n'wina."

<sup>157</sup> A ndzi ehleketa leswaku hungu ri ta pfuna kereke nkarhi wun'wana mixo lowu, leswaku mi nga ha swi vona leswaku hi lava Xihambano, hi lava ku vambiwa.

<sup>158</sup> Xana xi endle yini eka hinkwaswo? Xi hakele hinkwaswo. Sesi loyi a nga eka xitulu xa mavhilwa, nale ka n'wina vanhu lava mi nga lahawani mi vabyaka na ku xaniseka: Hinkwaswo swi hakeriwile; lexi mi nga xi endlaka ntsena i ku pfumela leswaku i swa n'wina; mi swi amukela hi ndlela yo fana, nakona mi ta hanyisiwa.

<sup>159</sup> Tsundzukani: Sweswi i yini? Mi nga ha ya emahlweni, mi chumayela Evhangeli, mi hanyisa vavabyi; ni ku vula leswaku mi na Vutomi lebyi nga Heriki.

Swi ngava swi kurise ku yini: eka, hi loyi wanuna a nga pavala lahawani na—na xipfimbo, mfukuzani, hambi ku ngava kuri yini. (Hi N'wi vonile minkarhi yo tala a vulavula hi mikateko ya Yena ni ku hanyisa wanuna, ku hanyisa wansati; ku ringana makume ya magidi ku andzisa hi magidi ya timhaka leti ti nga hlulekiki ku rhendzeleka hi misava, wa vona, a va susa emasangwini, eka switrechara; ntsena kova mindzhuti ya vanhu lava a va dyiwe hi mfukuzani; namuntlha, va kahle, vanhu lava va nga hanya kahle.) Mintirho leyi Ndzi yi endlaka mi ta yi endla na n'wina; kambe mi ta endla yo tala ku tlula leyi; "yo tlula leyi," hi swona.

Yini? Ndzi va engetelela vutomi, hi Vito ra Yesu, ku engetelela vutomi bya vona ku ringana masiku mantsongo.

Kambe, "Mi ta endla leyikulu yo tlula leyi: mi ta va nyika Vutomi lebyi nga Heriki hi Vito ra Mina." Haa!

<sup>160</sup> Hikokwalaho ka yini u khomisiwa tingana hi Vito lero ro hlawuleka? Hikokwalaho ka yini vanhu va nyuma ha rona ni ku fambela ekule na rona? I javulosi. Hakunene.

<sup>161</sup> "Ku hundzuka ni ku rivaleriwa swidyoho swi boheka ku chumayeriwa hi Vito ra Yena emisaveni hinkwayo, kusungula eYerusalem." Kwalahaya hilaha Hungu ri ngaya kona ro sungula. A hi swona xana? "Ku hundzuka na ku rivaleriwa ka swidyoho ku fanele ku chumayeriwa hi Vito ra Yena, kusungula hi le Yerusalem."

<sup>162</sup> Sweswi, xo sungula, hi ta endla hilaha Yena a nga endla hakona: a va na xikhongelo xo hanyisa vavabyi.

<sup>163</sup> Lexi xi landzelaka, hi tava na nyiko ya kahle: Mati ya lulamerile, endzhaku lahaya, eka un'wana na un'wana loyi a lavaka ku khuvuriwa (kuna swiambalo swa vavasati hilahawani, hilahawani ku na swa vavanuna swiambalo), swi tshamele n'wina leswaku mi ta rivaleriwa swidyoho swa n'wina; hikuva tsundzukani, leswaku ntsena mi ta kumeka mi rivaleriwile swidyoho swa n'wina ku ya hi ku dyondzisa ka Bibele. "Hikuva kuhava Vito rin'wana ehansi ka Tilo leri nga nyikiwa vanhu, leri mi nga ponisiwaka ha rona."

<sup>164</sup> Paul u hlanganile na van'wana lava a va khuvuriwile. Nakona a vari eku huweleleni, va ri na ku hlula. U teri, "Mi khuvuriwe hi nkhuvulwo wihi xana?"

Va ku, "Hi wa Yohana."

A ku, "Yohana a khuvula hi ku kombisa ku hundzuka." Sweswi, kumani leswi: hi ku hundzuka, kungari ku rivaleriwa ka swidyoho. I vangani lava va swi twisisaka sweswo xana? A wu ngari wo rivalela swidyoho. A va khuvuriwile hi swona, hi ku hundzuka. Vahundzukile: "Ina, nkulukumba, ndzi hundzukile. Mina, ndzi ri karhi ndzi pfumela eka ku ta ka Yena." Va khuvuriwile *eka ku hundzuka*; sweswo swivula leswaku, "hi ku pfumela eka Hosi Yesu Kreste."

<sup>165</sup> Kutani loko va tava va swi twile *leswi* (leswaku Gandzelo khale ri tile), va khuvuriwile nakambe, hi Vito ra Yesu Kreste. Kutani, va vulavula na vona, loko a tava a va tlhandlekile mavoko, Moya lowo Kwetsima; nakona va vulavurile hi tindzimi va tlhela vaprefeta.

<sup>166</sup> Sweswi, u ta ma ncinca njhani Matswalwa yalawa? U vekela rintiho ra wena endhawini yin'we ya Bibele laha un'wana a nga tshama arivaleriwa swidyoho swa yena, eka Testamente Leyintshwa, nakona kuhava loyi a nga tshama a khuvuriwa hi ndlela yin'wana handle ka Vito ra Yesu Kreste.

<sup>167</sup> Ndzi kombeni ndhawu yin'we ntsena a Bibeleni laha munhu un'wana a nga tshama a khuvuriwa hi Vito ra Tatana, N'wana, Moya lowo Kwetsima. Kumbe mi ndzi tisela matimu eka deska ra mina, matimu ya kereke lawa ya kombisaka laha un'wana a nga tshama a khuvula hi Vito ra Tatana, N'wana, na Moya lowo Kwetsima, kufikela mandzana manharhu wa malembe na swin'wana endzhaku ka kufa ka muapostola wo hetelela, loko kereke ya Khatholiki yi ta ti kondletela.

<sup>168</sup> Sweswi, ndzi na yona "Pre-Nicene Fathers," na...na vamatimu hinkwavo, na hinkwaswo, laha ndzi hlayelaka kona: ngopfu-ngopfu ya khale, matimu yo kwetsima emisaveni; leswi swi khorwisaka leswi swi nga riki swa vunwa.

<sup>169</sup> Hlayani *Our Sunday Visitor*, kumbe khatechizimi ya kereke ya Khatholiki, kutani mi va hlalela, eka leswi va swi vulaka loko va ku: "Van'wana va Maprotestant nkarihi wun'wana va nga ha ponisiwa, hikuva va ha khinsamela dyondzo ya Rhoma: Hikuva Bibele ya vona yi ri, 'khuvulani hi Vito ra Yesu Kreste,' kambe hi tekelerile hi susa 'Vito ra Yesu,' leri ri nga ra nkoka kutani hi ri vekela eka 'Tatana, N'wana, Moya lowo Kwetsima,' va tlhela va swi pfumelela."

Sweswi, ndzi kombeni Matsalwa lawa ya hambanaka na sweswo.

<sup>170</sup> Kutani hinkwalaho mi nga kona. Nakona hambi swi ri tano, misava ya swi nkhinsamela. Hikokwalaho ka yini? A va se tshama va ya eXihambanweni. Hi swona sweswo. A va se tshama va xi vona.

<sup>171</sup> Va ta mi hlekula ni ku mi vitana...va nga ha mi vitana, "Vavumbuluki lava va kwetsimaka," va "Yesu ntsena," na hinkwawo mavito lamo gwerha lawa va nga ma kotaka. Swi endla ku hambana kwihi loko va mi vitana hi wona? Xana va endle...Xana Yena u vile na mhaka loko va tava va N'wi vitanile? U vambiwile. A hanyela Xikwembu, nakona Xikwembu xi ri xoxe. Nakona loko wona Moya walowo, a wuri eka Yena, wu ri eka n'wina, wu ta mi endla mi endla swo fana: ku hlaysia Vito ra Yena. "Hambi mi endla yini" (kuvula Bibele) "hi rito kumbe hi ku endla, swi endleni hinkwaswo hi Vito ra Yesu, mi ri nkarhi mi dzunisa Xikwembu."

<sup>172</sup> Vunharhu byebyo mi byi kuma kwihi, dyondzo ya vahedeni? Leyi yi humaka eka khatechizim, kungari a Bibeleni. Rito "vunharhu bya tilo" ari kalanga ri vuriwa no vuriwa eka Matsalwa yo kwetsima kusuka eka Genesa kuya eka Nhlavutelo. Kuhava xilo xo kotisa xexo. Kuhava nchumu walowo va nge i swikwembu swinharhu. Hi Xona Xikwembu, Xikwembu xi xoxe, Xikwembu xin'we. Minkarhi hinkwayo xi tshama xi ri Xikwembu xin'we. Xi tirhe eka tihofisi tinharhu: Xi tirhile kan'we tani hi Tatana, ehansi ka Muxé. Xi tirha nakambe xi ri enyameni, tani hi N'wana, Yesu. Sweswi Xi le ku tirheni tani hi Moya lowo Kwetsima. Kambe xa hari Xikwembu xin'we. Xikwembu xin'we, lexi xi nga riki na mavito manharhu. Tihofisi tinharhu, swiyimelo mavito endzeni ka Vito rin'we: Yesu Kreste.

<sup>173</sup> Xin'wana na xin'wana lexi xi nga hambana i vuheneni; nakona ndzi komberile un'wana leswaku a ndzi komba swona, loko swi ngari swona. Hi swona sweswo. Ndzi swivurile sweswo malembe na malembe na malembe, nakona kuhava munhu loyi a nga switeka, hambi swi ri tano (Wa vona?), hikuva swi ngaka swi ngavi tano. Ndzi na...hi leyi Bibele, kusungula; nakona ku na matimu ya khale yo swi khorwisa sweswo leswaku hi swona. Nakona hikokwalaho ka yini javulosi ntsena...? Ndzi... Kunene, Bibele yi vule tano leswaku vatava hi ndlela yaleyo: "Xana va ta tisa ku yini, handle kaloko Ndzi va koka?" Sweswo hi swona hinkwaswo ndzi switivaka haswona. Sweswo hi leswi Yesu a nga swivula, swingaleswi...

<sup>174</sup> A ndzi vuli sweswo leswaku swi va...Loko ndzi nga swivula sweswo, na ku chumayela nchumayelo wo kotisa lowu, ndzi nga hava ndzi ri mutikukumuxi wale hansi ngopfu exikarhini ka n'wina. Hi swona sweswo. Ndza swivula sweswo hikuva Ri Ntiyiso nakona Ri Vutomi. Tani hi votala va nga khuvuriwela eka Kreste, va tiveka eka Kreste. Va na Vutomi, hi Vito ra Yena.

<sup>175</sup> Ha khongela hi Vito ra Yena, ha lava hi Vito ra Yena, ha chumayela hi Vito ra Yena, ha khuvula hi Vito ra Yena, ha hanya hi Vito ra Yena, ha fa hi Vito ra Yena, hi ya eTilweni hi Vito ra Yena, hi pfuka hi Vito ra Yena. “Ndyangu hinkwawo lowu wu nga eTilweni wu thyiwe Yesu.” Bibele yi vula tano: “Ndyangu hinkwawo lowu wu nga emisaveni wu thyiwe Yesu.” U teri, “Ndzi tile hi...”

Mi ri, “Kunene, i Vito ra Tatana.”

*Tatana* a hi vito, i xiylimela vito. U teri, “Ndzi tile hi Vito ra Tatana wa Mina, a mi Ndzi amukelanga.” Sweswi, hi rihi Vito leri Yena a nga nghena hi rona? Aa-aa. Hakunene, “...nakona a mi Ndzi amukelanga.”

<sup>176</sup> Swingaleswi kwalaho mi nga kona; ntsena kova, ina, swi fihliwile eka mahlo ya lavo tlhariha ni lava va vutivi. Hakunene, swi ntiiyiso, aa-aa.

<sup>177</sup> Nakona eka Nhlavutelo, tani hilaha hi dyondzisiweke siku rin’wana: a kuri na kereke ya khale ya ngwavavani, leyi ku nga yona nhlangano wo sungula; nakona u vile na ntlawa wa vanhwenyani lava va nga tswariwa hi yena. Va endla swo fana, mahanyelo man’we. U ta hetelela a helela ari Babilona, hi ndlela yin’we, na...na kereke ya Rhoma na nhlanganyelo wa tikereketa—ta matiko; nakona hi luya kwalahaya, hinkwaswo swi helela kwalahaya, hinkwaswo eka nchumu wun’we, byatso byin’we.

<sup>178</sup> Kambe Kereke ya Xikwembu (Haleluya!), i Kereke leyi yi nga vitaniwa, leyi yi nga tiava. Xana Kereke yi akiwe njhani? U nga swi tivisa ku yini leswi? Xana u nga swi tivisa ku yini leswi leswaku swi Ntiyiso? Loko Xikwembu xi mi paluxela wona. Xana—xana Abel u swi tive njhani leswaku a kuri xinyimpfana ku ngari maapula? Swi hlavuteriwe eka yena: “Hi ku pfumele Abel u nyikerile gandzelo ro saseka eka Xikwembu.”

<sup>179</sup> Ku enhlela ehansi eNtshaveni ya Nkwetsimo, Yesu u teri, “Vanhu va ri Ndzi mani?”

Van’wana va ku, “Elias,” “Muxe,” nakuya emahlweni.

A ku, “Kambe Mina ndzi vutisa n’wina, ‘Mi ri Ndzi mani?’”

Petro a ku, “Wena u Kreste, N’wana Xikwembu lexi xi hanyaka.”

<sup>180</sup> A ku, “Leswi a wu swi dyondzanga e...” Hi ndlela yin’wana (Ndzi vula leswi, kungari ku tikurisa, kambe ku ya fika emhakeni yin’wana): “A wu kalanga u swi dyondza eka seminari yin’wana; munhu un’wana a ngaka a nga ku dyondzisi leswi; kambe Tatana wa Mina, loyi a nga eTilweni, hi yena a nga ku paluxela swona: LOYI A NGA KONA yaloye (kungari Tatana, N’wana, na Moya lowo Kwetsima, kambe, Ndzi Yesu Kreste). Nakona ehenhleni ka ribye leri (I ribye rihi? Ro fana ni leri Abel a ngaya eka rona; ehenhleni ka ribye rona lero.), ehenhleni ka ribye leri, Ntiyiso wa ximoya wa

Xikwembu lowu wu nga paluxiwa, Ndzi ta aka Kereke ya Mina, tinyangwa ta tihele ti ngaka ti nga yi hluli ku lwisana na yona.” Hi swona sweswo. Va swi ringeta, kambe va ngaka va nga yi hluli. Wa vona?

<sup>181</sup> Ntsena wo ya exihambanweni, u ya vambiwa, u tlhela u vuya, u ta ti tekela ndlela ya wena na vantsongo va Hosi lava va nga soriwa, u ya emahlweni.

<sup>182</sup> Sweswi, Hosi, hi tisa hinkwaswo eka Wena. A ndzi tivi, eka ntlawu lowu, lowu wu nga lahawani. A ndzi na miehleketo yo switiva, Hosi, handle kaloko Wena u nga swi paluxa. Nakona sweswi, Tatana Xikwembu, a ndzi le ku Ku kombeleni leswaku u swi endla. Ntsena ndzi lo swi vekela emahlweni ka vanhu. Hi lavaya va kona. Leswaku leswi swi nga hava Xihambano xa ntiyiso mixo lowu; swi nga hava ku tivamba ka ntiyiso loku u tirhandzelaka, na ku tsakela ka wena n’winyi, na le ka swilo leswikulu swa vutomi.

<sup>183</sup> Leswaku vanhu va nga hava lava va titsongahata, ni ku tsakela ku teka ndlela ya Hosi na vantsongo lava va soriwaka. Leswaku va nga ha famba hi ku titsongahata. Leswaku va nga ha tswaleriwa eka Mfumo lowu, Mfumo lowu lowukulu wa Xikwembu, lowu wu nga miri wa ximoya, miri wa xinkadyana wa Kreste emisaveni: “Hi Moya wuri wun’we hinkwerhu hi khuvuleriwile eka miri wuri wun’we.”

<sup>184</sup> Hi nyike swona, Hosi. Hambi i vantima, vo basa, va xitshopani, va buraweni, hambi va ngava vahi, vaxinuna kumbe vaxisati, hlonga kumbe loyi a nga tshuxeka: hinkwerhu hi endleriwe ku nwela eka Moya wun’we wo fana.

<sup>185</sup> Hi nyike swona, Tatana, leswaku swi nga hava e...xikarhi ka votala, mixo lowu, leswaku va ta kota ku swi twisia; leswaku Wena u nga ha pfula ku twisia ka vona. Kutani, swi ta kotisa siku rintshwa eka vona: dyambu ri ta tlhava, nakona kuvonakala loku ku kanganyisaka loku ku nga endliwa hi dyondzo yo dyondzela swa vukwembu leyi yi nga endla hi munhu ku ta nyamalala, nakona ku Vonakala ka Xikwembu ku ta voningela ndlela ya vona, ku handzula nguvu leyi yi nga funengeta Kuvonakala loku ko saseka. Nakona va nga ha kota ku famba hi hayiweyi yo kwetsima, kutani, hi ku hanyela van’wana, tani hilaha Kreste a swi endleke.

<sup>186</sup> Sweswi tani hiloko hi nghenisa layini ya xikhongelo, ndza khongela leswaku U ta tota malandza ya Wena mixo lowu, hinkwerhu ka hina, tani hiloko hi khongela, hi khongelelana. Nakona hi nyiki, namuntlha, leswaku munhu un’wana na un’wana loyi a vabyaka loyi a taka hi layini leyi ya xikhongelo leswaku a nga ha hanyisiwa. Leswaku va nga ha tlhela, tani hi xinhwenyetana lexi xi khwenutaka hi tihlo, na xifanyetana, na...na manana yaloye a nga kula, na—na Makwerhu Wright, na votala lava va nga ta, Hosi, na ku xaniseka na mavabyi

na swin'wana leswi dokodela a nga taka a nga swi tshunguli; nakona hi lava namunlha (ntsena kwalomu ka vhiki leri ri nga hundza), nakona hi lava va kona, hakunene, namunthla.

<sup>187</sup> Xikwembu, leswaku vavanuna na vavasati va hundza hi kwala na ripfumelo lero rin'we, va ri karhi va switiva leswaku va ya exihambanweni ku ya ekuvambiweni ka mianakanyo leyi yi nga ya vona na miehleketo leyi yi nga ya vona leswaku "va hundzile eka ku hanyisiwa." Leswaku matimba lawa ya nga pfuxa Yesu esirheni ya va nyika vutomi, vutomi bya kahle bya ripfumelo.

<sup>188</sup> Nakona, xikan'we-kan'we endzhaku ka leswi, leswaku votala va nga ha ta eka xidziva xa nkhuvulo. Ha swi kombela, hi Vito ra Yesu. Amen.

<sup>189</sup> Sweswi, ntsena hova na makume mbirhi wa timinetse leswaku hi rhangela layini ya xikhongelo na ntirho wo khuvula. Sweswi hi hava makhadi ya xikhongelo. Hi sukile eka wona, kutani hi ta ringeta ku tirha ha wona eka tinhlengeletano ta mina letikulu leti ti nga sunguriwa. Ndzi mi byerile hinkwerhu, hi swi vurile, hi na swona eka thepi, na hinkwako laha ndzi yaka kona, tithepi ta vona va ta rhumeriwa tona.

<sup>190</sup> Sayini ntsena yi kombetela eka mikateko. Miehleketo ya kona akuri leswaku, "Loko u nga khongeleta vanhu lava va vabyaka, u kuma vanhu leswaku va ku pfumela."

Ndzi ku, "Va ngaka va nga ndzi pfumeli."

Yena a ku, "U ta nyikiwa masingita lawa, kutani ha wona va ta pfumela." Masingita ya yile emahlweni nale mahlweni, ku ringana khume ra malembe ku rhendzeleka hi misava, kuri hava na nkarhi na wun'we ya hlulekaka. A kuna ku tsandzeka, eka hinkwaswo, eka wona. I vangani lava va switivaka sweswo leswaku swi ntiyiso?

<sup>191</sup> Kunene, loko u nga pfumela singita, swingaleswi pfumela Hungu. Hi swona sweswo. Ra swi kombisa. Nakona Xikwembu xi nga ha nghanisa Hungu eka mina (Nakona xi ri pfumelela ri hetiseka hi ndlela yaleyo, kambe i yini...) ni ku mi byela swilo leswi swi nga hoxek? Xikwembu xi ngaka xi nga ndzi pfumeleli ndzi swi endla sweswo. Ee, ee. Ee, nkulukumba. Ndzi mi byela Ntiyiso.

<sup>192</sup> Sweswi, hikwenu n'wina lava mi lavaka ku khongeleriwa, maendlelo ya kona, eka rheyi leyi yi nga lahwani, tanani eka tlhelo leri, loko mi nga swikota, lahaya, folani kuya exineneni. Kutani sweswo swi ta endla leswaku vanhu va ta hi kona loko ha ha va khongeleta. Kutani hi ta—ta kuma majaha, tiaxara ni lava va nga ta langutisa; loko va ha ta hilahawani, eka tlhelo leri, hi tava yisa endzhaku, kutani hi vatisa ha yona. Un'wana na un'wana a ta khongeleriwa.

<sup>193</sup> [Un'wana a vulavula na Makwerhu Branham—Muhleri.] Oho, ee, hayi, a ndzi swi endlanga. Kunene, nkarhi wun'wana lowu u wu lavaka. A swi na mhaka. U nga ha n'wi humesa, kumbe u... Ndzi nga... n'wi humesa sweswi lahaya, kumbe nyana endzhaku, nkarhi wun'wana na wun'wana loko a swilava, a swi na mhaka.

<sup>194</sup> Sweswi, a hi miyeleni tani hilaha hi nga ta kota hakona, eka timinetse tintsongo leti ti tako. Ndzi mi lava leswaku hinkwerhu mi ehleketa sweswi: Sweswi, xana—xana Bibele yi ri yini? "Xikhongelo xa ripfumelo xi ta horisa muvabyi." I vangani lava va switivaka leswaku hi swona sweswo? I vangani lava va switivaka leswaku Bibele yi teri, "Masingita lawa ya ta endliya hi vona lava va pfumelaka. Mintirho leyi Ndzi yi endlaka mi ta yi endla na n'wina"? Nakona hi yihi mintirho ya kona? U teri, "Ndzi nga ha swikota ntseña loko n'wina mi pfumela leswaku Ndza swikota ku swi endla leswi." A hi swona xana?

Hi xihi xivutiso xa mina? "Va ngaka va nga ndzi pfumeli."

Yena u teri, "Masingita lawa ya ta endla leswaku vona va pfumela."

<sup>195</sup> Sweswi, loko u pfumela, tilulamiseli: Leyi hi yona awara ya n'wina yo tshuxiwa. Ntseña tani hiloko a yi ri evudyohweni, xa hari xitshehbhiso xin'we xa Xikwembu xin'we.

<sup>196</sup> Sweswi, hi na manana la vabyaka lahawani, wa karhateka nyana swintsongo, u karhatiwa hi le khwirini, u huma a New Albany. Hi ta sungula, hi ku khongeleta yena kusungula, leswaku a ta—a ta hatla a tshama. Sweswi, hi miyerile, na un'wana na un'wana, sweswi. Ndzi lava vamakwerhu leswaku va ndzi pfuna, lahawani. Kutani a hi korhamiseni tinhloko ta hina xinkadyana, sweswi, hi khongela.

<sup>197</sup> Sweswi, Tatana wa le Matilweni, leri a ri ri Rito ra Wena. A ndzi na vutihlamuleri eka leswi swi nga ta humeleta ehenhleni ka rona, kambe ndzi na vutihlamuleri hi ku ri chumayela. Nakona ni ku tiva leswi (ni ku tiva leswaku ndzi wanuna loyi a nga kula ku enela sweswi, nakona siku rin'wana ndzi ta boheka ku Ku kongoma): ndzi chumayerile Ntiyiso lowu wu humaka embilwini ya mina. Wa wu tiva. Kungari ku avanyisa, loko sweswo swi ri swona, Hosi, swivula leswaku ndzi lava ku hundzuka.

<sup>198</sup> Kutani Tatana, ndza khongela leswaku U ta pfuna, sweswi, tani hilaha hi yaka ekukhongeleti ka vavabyi, leswaku swikhongelo swa mina swi nga ha hlamuriwa, kungari swikhongelo swa mina ntseña, Hosi, kambe swikhongelo swa kereke ley, tani hi vanhu lava va vusiwana... Xana a ku ta humeleta yini loko loyi ari nsati wa mina a nga yima lahawani? A ku ta humeleta yini loko leswi

a kuri yena, a tshamile eka xitulu xa mavhilwa? Kumbe sesi wa mina? Manana wa mina? Oho, Xikwembu, hanyisa vanhu lava. Xana U ta swi endla, Hosi?

<sup>199</sup> Langutani, lava va nga yima elayinini ya xikhongelo: vuvabyi bya mbilu, mfukuzani, xifambi, hinkwato tinxaka ta mavabyi na ku xaniseka. Votala va vona va le kuteni (madzana-dzana ya ntshuxiwile, kusukela kona kwala, Hosi), nakona va swivona, nakona va swi pfumela, nakona va ta elayinini ya xikhongelo ku ta amukela swa vona. Va ta eka Ribye leri ri hanyaka sweswi, kungari nandza wa Wena, kambe eka N'wana wa Wena, Yesu, Loyi a nga Murhangeri wa Kereke, loyi a nga wa ximoya, Munhu wa xihundla exikarhini ka hina. Nakona tani hiloko hi famba, hi nyikela Vito ra Yena (U teri, "Hi Vito ra Mina va ta hlóngola madimona."), ndza khongela leswaku U ta hlamlula swikhongelo swa hina, hi Vito ra Yesu. Amen.

<sup>200</sup> Sweswi, un'wana na un'wana a vi eka xikhongelo. Sweswi, lexi i xiphemu xa wena, na xona. Lexi i xikhongelo xa wena.

Sweswi wansati loyi lontsongo u boheka ku fa, loko Swin'wana swi nga n'wi pfuni.

<sup>201</sup> I vangani lava va tivaka Makwerhu Stadsklev? Buti na Sesi Stadsklev? Ndzi foynieriwile kusuka eGermany kuringana kanharhu madyambu man'wana; n'wana wa vona a file. Va komberile leswaku, "Makwerhu Branham, hi ku vonile, hi Moya wa Xikwembu, a pfuxa vafi," (A va yimile vari kona va swi hlalela. Wa vona?) "kutani ha switiva leswaku u muprofeta wa Hosi. Ntsena vula Rito."

Ndzi ku, "Ndzi ngaka ndzi nga swivuli, handle kaloko swi vekiwile enon'weni wa mina."

"Tana eGermany." Ndzi pfuke hi xihatla. Nakona va foynile: "Va ku hi na xihahampfhuka xa jet lexi xi nga ta ku tisa eGermany hi tiawara ta ntsevu." Jet ya vuthu leyi yi nga ta ndzi hahisela eGermany ku ya pfuxa n'wana loyi a nga fa. Jet ya vuthu leyi yi nga ta ndzi yissa kona hi tiawara ta ntsevu, kusuka a Louisville ku ya e München, Germany.

<sup>202</sup> Ndzi nghenile kwalahaya, ndzi khinsama hi matsolo ya mina, kutani ndzi ku, "Tatana, xana ndzi boheka kuvula yini? Vulavula hi nomu wa mina." A Xi kalanga xi ndzi hlamlula. Ndzi humile ndzi ya enhoveni, ndzi ku, "Tatana, xana ndzi boheka ku vula yini? Vekela marito enon'weni wa mina. Ndzi ta fambela swa hava, loko swi ngari tano." Ndzi tlhela ndzi vuya, a Xi kalanga xi ndzi hlamlula. Ndzi nghena. Vusiku hinkwabyo ndzi khongela, "Hosi, vekela marito enon'wini wa mina." Kuhava lexi xi nga hlamlula.

<sup>203</sup> Hi mixo lowu a wu landzela nsati wa mina u pfukile. Kute loko a ha huma, Rito (ndzi tlakuke ndzi yima), Xi ku, "U nga swi tshinyi leswi. Leri i voko ra Hosi." Aha.

Hi xihatla ndzi tsutsumela afoyinini: “A ndzi nge swikoti ku ta. Ee, leri i voko ra Hosi. Ndzi ta siveriwa.” Ma ya vona matimba lawa ya nga eka ku tshinya xana? Loko Xikwembu xi teri, “U nga swi endli sweswo, hikuva i voko ra Hosi.”

<sup>204</sup> Sweswi, Muxe, nkarhi wun’wana, u byeriwile leswaku a nga endli nchumu, u yile a ya swi endla hi ndlela yin’wana. Ma swi tsundzuka? Swingaleswi a—a ndzi ya nga.

<sup>205</sup> Nakona ndzi nga ha mi tisela switatamente swo kombisa vanhu va mune vo hambana, lava, va nga tivisiwa leswaku va file hi vadokodela, endzhaku ka xikhongelo na ku tshinya rifu. Wa vona? Hi yima kwalahaya ku ta tshinya nchumu walowo. Loko Xikwembu xi mi nyika matimba yo endla swin’wana, swa antswa mi tivonela eka leswi mi swi endlaka. Wa vona? Swa antswa mi ti—. Xi teri, “U nga . . .”

<sup>206</sup> Sweswi, tsundzukani, sweswo swi nga ha endleka swi nga tsarisiwanga na n’wina hi vukahle, kambe eka mina, swivula swin’wana. Wa vona?

“Mi nga swi tshinyi leswi.” Swa tsokombela hakunene, mpfumawulo wun’wana wa Rito (ra kwalomu ka hafu ku bile awara ya ntsevu, ndzi pfumela leswaku a kuri wona, hafu ku bile awara ya ntsevu mixo walowo) ri ku, “U nga swi tshinyi leswi. Leri i voko ra Hosi.”

Ndzi ku, “Ndza ku khensa, Tatana. Ndza ku khensa, Hosi. A ndzi nge swi endli.”

<sup>207</sup> Loko a Xi lo, “Swi tshinyi leswi. Loyi i nala a rhetemukaka a nghena.”

Ndzi nga ha ku, “A hi fambi.” Nakona swi endlekile.

<sup>208</sup> Loko xifanyetana xexo lahaya a Finland xa ha pavalarile kwalahaya, xi file, xi fayiwile, ku nga ha twali hambi kuri ku twala mpfumawulo wa rhambu emirini wa yena, Hosi yi ku, “Rero i voko ra Sathana,” a ku, “ri tshinyi.”

<sup>209</sup> Kutani ndzi ku, “Rifu, a wu nge n’wi khomi. N’wi tlherisi u n’wi vuyisa, n’wi chuchi.” Kwalahaya, u tlurile hi milenge ya yena, kunene, a ku pfumaleka na rhambu leri ri nga tshoveka emirini wa yena. Rero i Rito ra Hosi. A ndzi nge swikoti ku tirhisa Rito ra Hosi kufikela laha Rito ra Hosi ri tako eka mina.

<sup>210</sup> Kambe eMatsalweni, Rito ra Hosi ri ndzi nyikile xileriso xo khongelela vanhu lava va vabyaka; u nyikile xileriso xo va khongelela. Sweswi, “xikhongelo xa ripfumelo xi ta horisa muvabyi;” a hi khongeleni, mi korhamisa tinhloko ta n’wina; hi ta vona leswi Yena a swivulaka, tani hiloko hi ya emahlweni.

<sup>211</sup> U Mukreste xana, u yena xana? Wa pfumela hi mbilu ya wena hinkwayo leswaku Yesu u ta ku hanyisa xana? U karhatiwa nyana hi le ndzeni; i malembe kuri karhi ku ku hlupha, sesi. Sweswi, u ta hola, loko u nga pfumela.

<sup>212</sup> Sweswi, Hosi Xikwembu, wansati loyi lontsongo a nga fa handle kaloko U nga n'wi pfuna. Sweswi ndza khongela, tani hiloko ndzi n'wi languta, a ndzi voni xivangelo eka yena leswaku a fa.

Nakona ndza swi twa emoyeni wa mina, Hosi, leswaku i ku pfumeleriwa hi Wena, sweswi, leswaku ndzi swi tshinya leswi: Sathana, n'wi chuchi!

Hi Vito ra Yesu Kreste, leswaku a nga ha hanya, a ta eka kereke leyi, a ta nyika vumbhoni leswaku a va ku kwetsima ka Xikwembu. Amen.

<sup>213</sup> Sweswi, hi ku olova tani hi sweswo, manana, u ta hola. Wa swi pfumela makwerhu?

[Makwerhu Branham a suka eka xiteka marito—Muhleri.] Wa pfumela ehansi lahwani xana, leswaku u ta hola?

Famba sweswi, sungula ku dya hambi u nga dya... kwalaho, u ta hola.

Sweswi, u langutele ku nyika misava xitroku, na ku yi lamata; ku mi nyika xitroku, ni ku mi lamata. Sweswi, Xikwembu xa Matilo lexi xi nga susa xitroku xa Xona xi suka eka misava ku nyika ku rivaleriwa ka vudyoho, hi Vito rin'we lero, ku nga ha mi nyika ku rivaleriwa ka vudyoho, ku susa xitroku xi suka eka n'wina, xi ku endla loyi a holeke.

Wa pfumela leswaku Xi nga ha endla mibilu yaleyo yi ba kahle? Wa swi pfumela sweswo xana, u ta hola...?...

<sup>214</sup> Hosi Yesu, wansati loyi wa xisiwana a nga ha tshama eka xitulu xa mavhilwa vutomi bya yena hinkwabyo kusukela sweswi, a tekiwa a famba. Kambe hi kombela leswaku matimba lawa ya Sathana ya susiwa eka yena. Leswaku a nga ha hanya a tlhela a famba a va loyi a nga wantoloveloo tani hilaha a nga tshama a va xiswona. Ha swi kombela hi Vito ra Yesu. Amen.

<sup>215</sup> Ma pfumela xana? I ntirho lowu wu nga hetiseka, wu hetisekile. Mhaka i yini? Kungari na ku chava, kungari na... A swi tano...? U tshame u horisiwa eka mfukuzani nkarhi wun'wana...?... Ti tshike, nyika hinkwaswo eka Yesu.

<sup>216</sup> Hosi Yesu, ndzi tlhandleka voko ra mina eka wansati loyi ni ku tshinya vuvabyi bya yena. Ndza switiva leswaku i Mukreste, loyi a nga tswariwa hi Moya. Ndza ku susa eka yena, hi Vito ra Yesu Kreste ku nga Vito ro hlawuleka. Amen.

<sup>217</sup> Hosi Xikwembu, eka buti wa yena wa nkoka, ndza n'wi kombelela ku ponisiwa ka yena hi Vito ra Yesu. Yima eka sweswo. Amen. A swi endliwe.

<sup>218</sup> U ti yimiserile ku amukela ku hanyisiwa ka wena, jaha? Hi swona, swi fambile swi ya evokweni ra Xona.

<sup>219</sup> Hosi Yesu, ehenhleni ka jaha leri, leri ri nge teri, kusuka eka Wena, u khongerile ku amukela ku hanyisiwa ka yena. Tani hi nandza wa Wena, ndzi n'wi tlhandleka mavoko hi Vito ra Yesu Kreste . . . ? . . Amen.

Sweswi, ntsena eka . . . ? . . sweswi, ntsena huwelela Vito ra Yena. Sweswi, kungari—kungari eka mina . . . ? . .

<sup>220</sup> Tatana Xikwembu, tani hi jaha a ri yexe a tiseketeleke exifiveni xa mana wa yena, u le ku n'wi mbuweteleni ni—ni ku n'wi khongelela ni ku khomelela xivokwani xa yena loko a hari n'wana loyi a gugurhutekaka. Sweswi, Sathana u n'wi vekele laha ku hlaysiaiwa tinhlanyi. Xikwembu, u ta eKerekemi leyi yi kwetsimaka ya Xikwembu lexi xi hanyaka, Kereke leyi yi nga tswariwa hi Moya wa Xikwembu, Kereke leyi Moya wa Xikwembu wu hanyaka kona, ku titivisa yena hi Yexe. Nakona namuntlha, hi xikhongelo, hi kutsula wansati yaloye eka ndhawu yaleyo. Hi Vito ra Yesu Kreste, ha khongela. Amen.

Famba u ya ekaya, u hanyile.

Ndza khensa loko u tile, hi vutisa manana wa wena; rero i jaha ra ntiyiso.

<sup>221</sup> Leri i siku ra ku kutsutsuriwa ka wena. Hosi Yesu, eka wansati loyi lontsongo, eka ku ponisiwa ka nuna wa yena na ku tshuxiwa ka mikolo ya yena, leswaku a nga ha swi amukela hi Vito ra Yesu Kreste, Loyi a nge “tana, u swi pfumela sweswi,” nakona i swiendliwa leswi swi nga hetiseka.

<sup>222</sup> Hosi, vadokodela va vurile, Hosi, swi le mirini wa yena, swi ta eka tihlo ra yena. Wansati u ta eku tshuxiweni, eka altari ya leyi, tani hilaha Kereke leyi yo kwetsima yi swi khongelelaka, ndzi kombela ku tshuxiwa ka yena hi Vito ra Yesu Kreste, mbanga leyi yi ta suka emirini wa yena. Intirho lowu wu nga hetiseka.

Eka jaha ra yena, ndzi katekisa xidukwana lexi. Leswaku ku twa na xiyimo xa kahle ku nga ha vuyela endzhaku eka ndleve leyi . . . ? . .

<sup>223</sup> Sweswi Kereke ya vulavula; sweswi Kereke i Miri wa xihundla wa Kreste. Hinkwerhu ha mi khongelela. Wa vona? A hi—a hi tivuli leswaku a hi nge he kumeki hi ri emisaveni nakambe. A hi vulavuli hi ku pepetseka laha hi yaka kona. Hi kuma Ndlela. Hi tswariwe hi Ndlela yaleyo. Hi Kereke ya Xikwembu lexi Hanyaka (xiave xa swona); hikuva, yi hangalakile na misava hinkwayo. Kambe lowu i ntlawa wa vona. Namuntlha, hi ri kun'we hi ta hi Vito ra Yena. Hi ta hi ta endla leswi Yena a nga swivula leswaku, hi swi endla. Leswi Yena a nga tak a nga swi paluxi loko hi ta kun'we. Khongelelani vavabyi, va tlhandlekeni mavoko, “xikhongelo xa ripfumelo xi ta horisa muvabyi.”

<sup>224</sup> Leswaku vuvabyi bya wena bya mbilu byi nga ha suka eka wena. Hi Vito ra Yesu Kreste, ndzi yingisela xileriso lexi Xikwembu xi nga ndzi nyika xona . . . ? . .



*Hi SIKU LERO EXIHAMBANWENI* TSO60-0925  
(That Day On Calvary)

Hungu leri hi Makwerhu William Marrion Branham, ri sungurile ri hangalasiwa hi Xinghezi hi Sonto na mixo, Ndzati 25, 1960, a Branham Tabernacle eJeffersonville, Indiana, U.S.A., ri tekiwile kusuka eka nkandziyiso wa thepi ya maginetiki kutani yi tsariwa yi nga khomananga hi Xinghezi. Hundzuluxo lowu wa Xitsonga wu tsariwile wu hangalasiwa hi Voice Of God Recordings.

TSONGA

©2015 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE  
58 DISA ROAD, ADMIRAL'S PARK, GORDON'S BAY 7140 WESTERN CAPE  
REPUBLIC OF SOUTH AFRICA

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## Xitiviso Xa Mpumelelo Wo Kopa

Timfanelo hinkwato ti hlayisiwile. Buku leyi yi nga ha kandziyisiwa hi printara yale kaya leswaku munhu a ti tirhisela kumbe ku yi phakela, yi nga hakerisiwi, tani hi xitirhi xo hangalasa Evhangeli ya Yesu Kreste. Buku leyi a yi xavisiwi, yi humesiwa hi xikalo lexikulu, yi vekeriwa eka “website,” yi hlayisiwa eka tisisiteme leti ti nga swi kotaka kuva yi tekiwa, yi hundzuluxeriwa eka tindzimi tin’wana, kumbe yi tirhiseriwela eka nkwama lowu wu nga pfumeleriwa handle ka nhlamuselo leyi yi nga tsariwa ya ku pfumeleriwa hi Voice Of God Recordings®.

Vuxokoxoko byo tala kumbe nhundzu yin’wana leyi yi nga kona, mi komberiwa ku ti hlanganisa na:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)